

**Bekandnuß vom hant-
ligen Sacrament des Leibs vnd
Bluts Christi/auff Frag vnd
Antwort gestellt.**

Caspar Schwenckfeld.

Roman. x.

**Mit dem hertzen glaubt man zur gerechtigkeit/
Mit dem mund aber bekendt man zur seligkeit.**

**Gemeinet/ vnd über den ersten dinc
weytter erkläret.**

M. D. XXXIIII.

THE UNIVERSITY OF CHICAGO
LIBRARY
CHICAGO, ILL.

THE UNIVERSITY OF CHICAGO

THE UNIVERSITY OF CHICAGO
LIBRARY
CHICAGO, ILL.

THE UNIVERSITY OF CHICAGO
LIBRARY
CHICAGO, ILL.

THE UNIVERSITY OF CHICAGO
LIBRARY
CHICAGO, ILL.

Vorred.

Derweil diß mein bekandnuß des glaubens/
vom hailigen Sacrament des leibs vnd blüts
vnfers Herren Jesu Christi/so ich etwan zur notdurft
auffgeschriben/nun durch Gottes schickung ist an den
tag kommen/hab ich mirs ain vißach sein lassen/das-
selbig züübersehen/den waren gründlichen verstand
dieses herlichen geheimnuß/wie es der Herr offenba-
ret/vnd wie es in meinem gewissen steht/etwas mehr
mit Exempeln/vnd sunst/souil in der kurtz geschehen
kan/im namen Jesu Christi/zü seinem ewigen lob vñ
preiß/selbs außgehn lassen.

Darauß dann meniglich klärer wirt künden ver-
nehmen/wie/vnd was ich vom Nachtmal des Herren
halte/vnd nach der gnädigen haimsuchung Gottes ne-
vnd allweg gehalten hab/Das ich nämlich die gegen-
wertigkeit Christi Jesu/die spensung vñnd ware nies-
sung seins Hailigen leibs vnd kostbarlichen blüts im
Nachtmal/oder in dem geheimnuß des Sacraments
nir verleiñget/auch/wills Gott/nymmer verleiñg-
en werde.

Das ist aber war/das ich gern diß geheimnuß/wie
all andere händel des reichs Christi/vñnd den leib des
Herren/gaistlich wolt vñderscheiden habē/Das auch

A u dabey

Zübedenck
was des Her-
ren Nach-
mal sey.

daben nichts Götlichs den verucklichen Creaturen/
sonder alle Ehr/krafft/vnd einwürckung allain Jesu
Christo/ vnd seinem Götlichen/ allmächtigen/ leben-
digen wort/ durch den Hailigen gaist zugeschribt wur-
de/ damit das innerliche werck vnd ampt Christi/vnd
des hailigen gaists/ von cüsserlichen dienstbaren din-
gen/ als das/ was Götlich ist/ von der verucklichen
Creatur/ vnd die ewige warhait vom bilde/ zur ehren
Gottes/recht vnderscheiden werde/ Das ist mein be-
geren/acht es soll söllichs der bestendige ainige grund/
vnd des waren Christlichen glaubens rechte an-
genenschaft vnd art sein. Damit will ich mich
Got dem Herren in seine gnad/auch
allen fromen Christen in ir ge-
bret vnnnd andacht treu-
lich vnd in allweg
befolhen ha-
ben.

Was

Frag.



Was glaubst du vom Sacrament? Antwort:

Ich halt vnd glaub/das das Sacrament sey ain gehaimnuß Gottes / das ist/ ain gaistlicher götlicher handel des reichs Christi / darinn den Christglaubigen/ auch sichtbarlicher weise/wirt angezaigt vnd fürgebildet / die vnsichtbarliche gnad des verdiensts/ leidens/ vnd aller wolthat Christi des Herren/wie nämlich dieselbig im gehaimnuß fürgetragen/ angelegt/ gegenwertig außgetailt / vnd durch den waren glauben eingenömen werd im hailigē gaiste. Also sagt Augustinus/das das Sacrament sey ain sichtbarliche form oder gestalt/ der gegenwertigen vnsichtbarlichen gnaden Gottes.

De eſſectas
distin. 2. cap.
sacrisſimum.

Frag.

Was wirdt im Sacrament des Nachtmals Christi fürgetragen? Antwort:

Es wirt darinn gegenwertig fürgetragen/die aller edleste/herlichste speiß vnd tranck/des theuren laibs vnd kostbarlichen blüts Jesu Christi/damit die waren glaubigen geſpeißt vnd getrenckt werdē zum vnsterblichen ewigen lebē/welchs vnder der sichtbarlichen gestalt oder gleichnuß des gebrochenen Brots/vnd eingescheiſchten weins/auch bey nūſſerlichen menschen/zum widergedechtnuß des Herren/wirdt erinnert vnd angeregt/auff das man der himliſchen gaistlichen speiß vnd tranck / so der Herr selbs gibt/im innerlichen menschen des hergens/durch den glauben/wol wahrneme/ime dem Herren darumb lob/ehr vnd danckſage.

Frag.

Ist aber nicht das Brot des Altars das Sacrament? Antwort:

¶ iij Das

Das geheimnuß der niessung des leibs vnd blüts Christi/
vnd der ganz gaislich handel des brotbrechens/essen vnd
trinckens/so vom Herren Christo im letzten Nachtmal ein-
gesetzt / von den Aposteln in den Christlichen Gemeinden
ist gebrauchet vnd gehalten worden (wie in der Apostel ge-
schichten am 2. vnd 20. Vnd in der 1. Corinth. 11. geschriben
steet) das wirt von den L. erern der Kirchen ain Sacramēt/
das Nachtmal/ vnd Eucharistia genent. Man muß aber
darbey das gaislich essen/vnd die speiß der seelen/vom wi-
dergedechtnuß vnd sichtbarlichen werck des brotbrechens/
ordenlich wissen zu vndercheiden / Damit man im brauch
des hailigen Sacraments nit das bey der irdischen Creatur
sücht/was man allain bey Jesu Christo/bey seinẽ Almed-
tigen lebendigen wort süchen/vnd von jm selbs gewarten/
empfehen/vnd einnehmen soll im hailigen gais.

Frag.

Wie soll man dise zway/ das gaislich essen/
vnd das widergedächtnuß beim Nachtmal
des Herren gründlich verstehn/ vnnnd recht
vndercheiden?

Antwort.

Darzu will vor allen dingen ain rechter glaub/ ain gais-
lich vntail vnd Götlich erkandtnuß Jesu Christi gehören/
Dass man wol anfineret auf das eüsserlich werck/vñ auff
wort der verhaiffung/nämlich/was der Herr im nachtmal
thut/was er auch darauff von der eigenschafft vnd wesen
seines leibs vñ blüts redet/vñ nach jm zuhñ seinen Jün-
gern besilcht/damit yeglichs in seiner ordnung stehn blei-
be/Das man nämlich die wesentlichen wort vñ seinem leib
vnnnd blüt recht versteh/denselbigen in irer natur/weder zu
noch ablege/sy als gais vnd leben vom Herren selbs/durch
den glauben anneme/Das man auch dieselbigen mit dem
eüsser

Merck wol/
auff das vñ-
derscheiden/
dann daran
ist der grund
gelegt,

offterlichen befehl vnd werck des brotbrechens ic. nit vermeng / oder einschliesse / sonder vil mehr ains auß dem andern / nach der anlichheit des glaubens / vnnnd nach art der Sacramentlichen händel / inn vergleichlicher eigenschafft richten vnnnd verstehn lerne.

Da wirt man denn zwaiерlay vnderschayden / brot vnnnd tranck / in ainem Götlichen handel finden / wie dann auch der Herr Christus in der einsetzung des Sacraments / auff beyde naturen / flaisch vnd gaist / des Christglaubigē menschen gesehen / vnd für yede natur ain sonders brot essen vñ tranck zum gangzen Nachtmal verordnet hat. Das essen des waren hymelbrots / des leibs Christi / der für vns gegeben / auch das trincken seins hailigen blüts / zur vergebung der sünden vergossen / steht allain in der krafft des Götliche allmächtigen / lebendigen worts / darinn Christus all ding treget / Hebr. 1. Vnd er hat wort des ewigen lebens / wie Petrus zeuget / Johan. 6. Das widergedächtnuß aber steht im befehl des Herren / im außwendigen brotbrechen / vnd des sichtbarlichen Sacraments empfangung / welches der Herr eingesetzt / nach jm zethun / vnd solch sein werck zuuerneuen in der Christlichen kirchen hat befolhen / sein darbey zügedencken / den tod des Herren zü verkündigen / vnnnd jm der gaistlichen speysung züdancken ic.

Das essen
des leibs
Christi.

Das Wi.
dergedächtnuß.

Das gaistlich essen vnd trincken des leibs vñ blüts Christi / ist nicht an das brotbrechen oder widergedächtnuß gebunden / Es ist aber das widergedächtnuß an das essen ic. gebunden / also / das kain widergedächtnuß oder brotbrechen one das essen vnd trincken des leibs vnd blüts Christi recht oder one schuld vnnnd schaden geschehen kan. Gleich wie auch kainer mag ain recht Gratias sprechen / er hab dann zuvor geessen / sey gespeist vnd satt worden.

Demnach sagen etlich elteste Leerer der kirchen wol vñ recht / daß das Sacrament der Eucharistien / auß zweyen dingen

dingen werde zusamen gesetzt/auf ainem irdischen sicht-
barlichen oder leiblichen/ vnnnd auß ainem himlischen/ vnn-
sichtbarlichen oder gaistlichen. Das irdisch sichtbarlich
brot vnd tranck/ wirt in seiner eigenschafft in der gleichnuß
oder gestalt/ wie mans pflegt zünennē/ den sinnen des glau-
bigen menschen fürgestellt/ Wie es eüßerlich den leib speys-
set/ also speysset innerlich das himlische gaistlich die hunge-
rige Seel/ wirt im hailigen gaist außgespendet/ vñ auffem
wort der ewigen warhait in Christo durch den glauben ge-
fasset/ cingenommen/ empfangen/ vnd verstanden.

Das will villeicht Augustinus gemaint vnd verstanden
haben/ da er spricht/ Wenn das wort kompt zum element/
so wirt ain Sacrament. Dañ ob wol gedachte 3 way/näme-
lich das elementisch brot/ vnd das wort/ das nun ist flaisch
worden (welchs das lebendig himelbrot ist) in ainem Göt-
lichen handel/ daselbst offft zusamen kommen/ ob sy auch in
der eigenschafft der speysung etlicher massen/ doch als in
ainer gegensatzung vergliche werden/ So seind sy aber in
ihrer substanz vnnnd wesen/ wol so weyt vnderscheiden/ als
das bildnuß vnd die warhait/ als das zaichen vñ das was
bezeichnet wirt/ als das sichtbarlich Sacrament vnnnd die
krafft des Sacraments/ als Gott vnnnd die allte Creatur/
ja als himel vnnnd erden. Darumb so ist da zwischen dem
sichtbarlichen brot vnd dem herlichen leib Christi gar kein
ware verainigung/ weder natürlich/ gaistlich/ noch Sa-
cramentlich/ Was wurd man sunst auß Christo machen?
Der allain mit dem menschen/ vnd sunst mit keiner Crea-
tur/ ain ainigkait hat wöllen auffrichten.

Eben dermassen helt sichs auch im sacrament der Taufe
fe/ da 3wai erlay wasser/ ain leiblichs vnd ain gaistlichs ge-
gen ainander gesetzt seind/ da auch zwischen dem leiblichen
elementischen wasser vnd dem gaistlichen himlischen was-
ser der gnaden (das im lebendigen wort Gottes ist/ danon
Ephes.

Ephes. 5. welches auch Christus selber gabe / Johan. 4.)
 ain ainigkeit sein kan / Dann ob sy wol in der eigenschafft
 des wäschens / eben wie auch obgemelte zwaierlay brot in
 der eigenschafft der speysung / etlicher massen vergliche
 werden / so sollen sy doch / in irer substanz / art / natur vnd
 wesen / eben wie das himelische vnnnd irdische / durch den
 glauben / vnderscheiden werden / Das aine wäscher eüsser-
 lich den leyb Sacramentlich / Das ander aber wäscher ine-
 nerlich im gehaimnuß die Chrustglaubige seel / Derhalben
 es auch ain bad der widergeburt / vñ erneuerung des hai-
 ligen gaists wirt genandt / Titum 3. Darumb haissens Sa-
 crament (spricht Augustinus) das inn inen etwas anders
 wirt gesehen / vnd etwas anders wirt verstanden. Das da
 gesehen wirt / hat ain eüsserliche gestalt / Das aber verstan-
 den wirt / hat ain gaistliche frucht. Vnnnd aber spricht er /
 Wiewol das Sacrament sichtbarlich oder eüsserlich wirt
 gehandelt / so muß es doch vnsichtbarlich / das ist / gaistlich
 verstanden werden. Wie möcht dan dabey irgent ain was-
 re ainigkeit (man nenn sy gleich Sacramentlich / oder wie
 man wölle) one verletzung der ehren Chusti vnd seiner gna-
 den für gegeben werden? So doch ains nur auffß ander
 weyßet / nämlich / das irdische auffß himelische / Es ist nicht
 ains das ander / Es wirt auch mit ains mit dem andern / in
 andern / oder durchs ander empfangen / Ja eben als wenig
 als der himel mit der erden / Das hertz gehört in himel / die
 sinnen bleiben auff erden.

Summa / das Sacrament des Nachtmals / ist ain gaist-
 licher verborgner handel / vnnnd ain gehaimnuß des glau-
 bens / für die außserwölten freünd Gottes / vñ für die Jün-
 ger Chusti eingesetzt / In welchem angezaigt / bey den glau-
 bigen verstanden vnd erklärt wirt / wie Gott der himelisch
 vatter / nach dem willen vnd fürsatz seines götlichen erwi-
 gen rahts / den armen verdoibennen menschen widerholet /

B Iäliger /

De consecr.
 distinct. 2.

Zwischen de
 jaiger vnnnd
 weine / Ring
 vnd der Ehe
 trew / ist auch
 ain ainige-
 rait.

saliget / speyset / neeret / vnd zur gemeinschaft seiner gldt
 wesens vnnnd herligkeit bringet / durch seinen aingebornen
 Sun vnsern Herren vnd Jesum Chrustu im hailigen gaiste.
 So wirt nun das leiblich eusserlich biot vnd tranck des Her
 ren im Nachtmal / ain sichtbarlich Sacrament / oder Sa
 cramentlich biot (ist so vil als ain thail des ganzen Sacra
 ments) geneit / dardurch die gaistlich gemeinschaft speis
 vnd tranck des leibs vñ blüts Chrusti angezaigt / vnd gleich
 als in ainer fürbildung erinnert vnd wider bedacht wirt /
 wie nämlich der leib Chrusti der am Creutz für vns gegeben
 vnd sein blüt / das zur abwäschung vnserer sünd vergossen
 warhafftig vns zur speis vnd tranck worden sey / vnd nun
 gegenwertig im geheimnuß des Sacraments wirt gebro
 chen / außgetailt vnd genossen zum ewigen leben.

Daber ist es
 das mans
 parkshaitte
 Wñ August.
 Corpus Chri
 sti sumereper
 parts. de es
 secret. dist. 2.

So vil allhie bey der einsetzung / verstand vnd vnder
 schaidung dises hochwürdigen Sacraments / damit ich den
 leib vnd blüt Chrusti / als die ainige speis vñ tranck der hun
 gerigen seelen / im geheimnuß des Sacraments / oder im
 Nachtmal des Herren zugegen / warhafftig will bekant ha
 be / nit aber leiplich / sonder allain gaistlich / wie er dan auch
 nit auß dem sichtbarlichen biot / sonder auß dem lebendigen
 wort des Herren / daselbst selbstendig wirt genossen vñ em
 pfangen durch den waren glauben.

O Herr /
 sprich nur ein
 wort / so wirt
 mein seel ge
 fundt.

Frag.

Was haltest du vom anbetten des Sa
 craments? Antwort.

Ich halt vnd glaub was der Herr Matth. 4. sagt / da er
 spricht / Du solt anbetten Gott deinen Herren / vnnnd im al
 lain dienen. Vnd was er hat gesagt Johan. 4. das die zeit
 komme / vnd yetzt ist / das man weder auff dem berg / noch
 zu Jerusalem (das ist weder hie noch da) soll anbetten /
 Sonder das die waren anbetter den Vatter im gaist vnnnd
 der.

der warhait (nämlich/nit in vernünftlichen Creaturen) wer
den anbetten / dann der vatter sucht auch solche anbetter /
Gott ist ain gaist / vnd die in anbetten / müssen im gaist vnd
der warhait anbetten / spricht der herr.

Wie Pan-
lus Gott an-
gaist hat ge-
dient Ro. 1.

Wie möchte ich dann nun nach offenbarter / erkandter
warhait / mit guttem gewissen Gott wesentlich in ainicher
leiplichen stett oder Creatur hie vñ da suchen / vñ in daselbst
mit Göttlicher ehr deß anbettens verehren / oder mein hertz
darauff richten ? Seyttemal auch der hailig Paulus sagt /
Coloss. 3. Seyt jr nun mit Christo auffgestanden / so sucht
was droben ist / da Christus ist / sitzend zur rechten des All-
mächtigen Gottes / seyt des gesinnet was droben ist / nicht
des was auferden ist / dan jr seyt gestorben / vnd ewer leben
ist verborgen mit Christo in Got 1c. Vnd dem also nach / hat
man beim brauch des Sacraments allweg / auch biß auff
heut / mit dem Sursum corda ermant / das die Christglau-
bigen ire hertz dabey nit ins sichtbarlich Sacrament / sonder
übersich / hinauf in himel zum Herren richten / vnd zum sel-
bigen in die höhe schreyen solten / Osanna in excelsis / das
der sällig wöll machen / der droben ist.

Sursum
corda

Darumb so ist ja allweg sicherer alda anzubetten / da
Jesus Christus ist / wie Paulus sagt / da er sitzt zur rechten
des vatters im himelischen wesen / Ephesi. 1. vnd Hebr. 10.
Da auch vnser Schatz vnd hertz sein soll / Matthei am 6.
vnd da wir alle in gemain vnsern Herren haben / Coloss. 4.
Da wir inen auch gewißlich durch ainen waren glauben
(auch beym rechten brauch des Sacraments) mit auffge-
richtem hertzen finden. Das geschicht aber nyrgende an-
der stwa dan im himel beim vater / das ist / in seine götlichen
wesen / vnd im hailigen gaiste. Deßhalben vns der herr
selbs hat lernen anbetten / vnd beeten / Vatter vnser der du
bist inn himlen 1c. Vnd der Prophet David / O Herr Gott /
zu dir erheb ich meine augen / der du wonest in den himlen.

B ij Die

Die augen des hertzens sollen vnd müssen beim Sacrament vnd allem gotsdienst allain in hymel/ausser aller leiblichkeit/zeit oder creatur/erhaben/vñ übersich gerichtet werden/von dannen allain vns auch hilff/trost/gnad/vñ alle sältigkait/zükompt.

Zu dem/so ist auß der einsetzung des Nachtmals Christi auß dem brauch der Aposteln/ja auß allen vñstenden/nit allain der hailigen Schrifft des newen Testaments/vñnd der Apostel geschichte/sonder auch der ältisten Leerer/vñnd Christlichen historien gang klärlich züvermercken/das das sichebarlich Sacrament nit soll angebett werden/wie es dann daselbst vñnd in erster Christlichen kirchen nyedermassen ist angebett worden.

Frag.

Es ist aber dannoch solch anbetten des Sacraments in hailiger schrifft nyergendt verbotten?

Antwort.

Was in Gottesdiensten nit gebotten ist/die war Gottes Merk/das ligkait/das gewissen vnd den glauben/ja die allerhöchste Gewissen vñ den glauben, ehe Gottes anlangend/das ist allweg verbotten/wie dann nit vergebens geschriben stehe/Jr solt nit thun ain yetlicher Den. 12. 4. was in recht dunckt/was aber recht vñ gefellig ist vor dem Herren/was ich euch gebette/das solt jr halten/das jr darnach thun ic. Item jr solt nit abweichen/weder zur rechten noch zur lincken. Vñd aber/Jr solt nichts zum wort legen/das ich zü euch rede/vñd solt auch nichts darvon nemen. Jr solt sorgfeltig sein/auff das jr bewaret alles was geschriben stehe im Gsagbüch Mosi/vñnd solt nit darvon weichen/weder zur lincken noch zur rechten/auff das jr nicht anbettet der heyden Götter/vñnd inen dienet (oder wie Jesaias am 2. Cap. saget/auff das wir nit anbetten das werck der hände/welchs vnser finger gemacht habe) sonder

sonder jr solt Got ewerem Herzen anhangen/ steht geschriben Josue am 23. cap. Darauf wir genugsam überzeuget werden/das vns nun vil weniger im newen Testament/nach offenbarter warhait in Christo/gezinnen will/im höchsten Gotsdienst/was fürnämlich den glaubē/ordnung vnnnd einsezung Christi belanget/on Gottes wort/vnsers gefallens/ainiche freyhait zumachen/Daß alle Gots wort seind dur chleütert/vnd seind ain schilt denen/die auff in trawen. Thū nichts zu seinen worten / spricht der Weyß mann/auff das er dich nit straffe/vnnnd werdst lügenhafft erfunden/ Prouerb. 30. Item/ Wer nit mit mir ist/ der ist Luc 11. wider mich/ Wer nit mit mir samlet/ der zerstreuet. Vnnnd als er seine Aposteln auffendet/befilhet er zu leeren vñ halten alles/was er inen gebotten het/Matth. 28.

Wia wol dannocht vor allem andern/auch das anbetten des Sacraments/inn obangezaigten sitem vnd spüchen genugsam wirt verbotten/Dann was mag kläters wider gedachten mißbrauch des anbettens immer gesagt werdē/wann das man Gott/der ain Gaist ist/in kainer Creatur/an kainem ort hinfür nach verbrachter dispensation Christi/weber hie noch da/sonder allain im gaist vnd der warhait soll anbetten. So steht auch inn der Apostel geschichten/ Act. 7. 17. das Gott der allerhöchste/seytenmal er ain Herz ist des hymels vnd der erden/wonet er nit in templen so mit händen gemacht seind/sein werde auch nit mit menschen händen gepflegt/als ob er yemands bedörffe/so er selber yederman leben vnd athem allenthalben gibe. Darumb warnet auch vnser Herz Christus/welchen der vatter hat befolhen zühören/gangtrewlich vor solchem mißglauben/vnnnd selber wölten anbetten/da er spricht/So dann yemandt zu euch wirt sagen/Sihe/hie ist Christus/oder da/so solt irs nicht glauben ic. Item/ Das reich Gottes kompt nit mit auffmerckung/wan wirt auch nit sagen/Sihe hie/oder sihe da/Matth. 24. Luc 17.

B iij spricht

Phil. 3.
Eph. 1.
Col. 3.

spucht der Herr. Nun ist es ja gewiß/ das Got vnser Herr
vnd König Christus/nyrgende außser seinem reich wesentlich
sein kan noch will/ Ist aber Gottes reich nit hie noch da/
vil weniger will Gott hie oder da/nämlich außserhalb sei-
nes reichs/in irdischen Creatur mit dem hertzen gesicht/
angebetet/vnd Gölich verehret werden. Darüb so spuchte
Sanct Pauls/dasß der Christen burgerschafft oder wandel
(schon) im himel sey/ Dann sy seind von Gott dem vatter
errettet auß der Oberkait der finsternuß/ vnnnd/ durch den
glauben/fort gesetzt in das reich des Suns seiner liebe/dar-
inn sy in aller gaistlichen benedeyung Christo gesegnet wer-
den (da sy auch anbetten) im himlischen wesen.

Summa/das betten vnd anbetten Gottes mag wol vn-
serthalben frey an allen ötern seiner herrschafft geschehen/
wie der prophet David sagt/also/doch das wir vnser her-
gen begirten/vnd den glauben/niergende anderstwo hin-
richten/dañ zu Got in himel/wir seyen gleich leiplich/stehn
oder knyeen wa wir wöllen/das haist im gaist vn der war-
hait/die Christus ist/vnd im hailigen Tempel der gnaden
Gottes/so nun in Christo eröffnet/anbetten. Dann als we-
nig das Sacrament der Tauff Christi wirt angebetet/das
bey doch Gott der hailig gaist ist vnd würckt/eben als we-
nig mag das Sacrament des Altars nun nach entdeckter
warhait/on verlegung Gölicher ehren/ ainigerlay weyse
hie vnd da angebetet werden.

Frag.

71 Was haltest du von den worten/so der Herr
spricht/Das ist mein leib? Antwort.

Ich halt vnnnd glaub denselbigen worten vnser Herren
Jesu Christi/bin deß gewiß/das sy also/wenn sy der Herr
noch heüt spucht/warhafftig/gaistlich/lebendig/ja gaist/
leben/vnnnd die ewig Göliche warhait selbs seind/ Wie sy
auch

auch vom Herren Christo ainfaltig geredt/ daß sy also von
den Christen in Göttlicher ainfaltigkeit/ on allen menschi-
chen zusatz/ außem gaist des Herren/ durch den glauben/
sollen angenommen/ als Gottes wort gaistlich geurtailt/
ausgelegt vnd verstanden werden.

Frag.

Wie verstehst du obgedachte wort des Her-
ren Nachtmals?

Antwort.

Die wort des Herren von seinem leib vnd blüt im Nach-
mal/ laß ich wie gesagt/ in irer Göttlichen ainfaltigen arth
vnd natur bleiben/ wie sy von Christo geredt/ vñ durch den
hailigen gaist seind beschriben worden/ trag vnd vergleich
sy dermassen/ wie gmainlich alle leerer der kirchen gethan/
vnd wie sy auch im gaistlichen Rechte vergleicht werden/ *De consecr.
distin. 2. cap.
In quibus.*
mit des Herren worten im Johanne/ von desselbigen leib/
flaisch vnd blüt/ da er spricht/ Mein flaisch ist warhafftig
ain speiß/ Mein blüt ist warhafftig ain tranck/ Vnd versteh
sy auch ainfaltiger weyse/ nit nach der vernunft ainfalt/
sonder nach der ainfalt des gaists Gotes/ daß der Herr das
durch redet von der art/ natur vnd eigenschafft seins leibs/
flaischs vñ blüts/ was es sey/ nämlich/ daß sein leib/ flaisch
vnd blüt/ ain ware speiß vñ tranck sey/ damit er im Nach-
mal die glaubige Jünger/ durch die krafft desselbigen seins
allmechtigen lebendige worts hat gespeist/ auch noch heüt
im gehaimnuß des Sacraments/ vñ im gaist des glaubens
alle außervölcke kinder Gottes speiset zum ewigen leben.

Frag.

Was ist es dan/ das der Herr im Nachmal das
brot nam/ vñ als er hat gedanckt/ brach ers/ gab
es den Jüngern/ vnd haist es essen?

Antw.

Der Herr.

Matth. 131

Der Herr Christus hat im Euangelio liberal ain woff
gehabt (als es auch von im propheceyet was) das er von
den himlischen schätzen der Götlichen gnaden/ nit allain
mit wortē seine Jünger pflegt zu leeren/sonder das er auch
mit wercken/vnnd von wegen der schwachait vnser flais-
ches/durch gleichnuß oder eigenschafft der sichtbarlichen
Creaturen dises irdischen wesens/die vn sichtbarlichen ge-
heimnuß seines Reichs vnd des ewigen lebens anzeigt vñ
zu verstehn gibt/auff das mans besser leichter im glauben
müg fassen/erkennen vnd annemen/Also hat er auch im
Nachtmal/durch ain gleichnuß des gebrochenen/geessenen
brots/vnnd außgegoßnen trancks/das groß geheimnuß
seines hailigen leibs vnd blüts angezeigt/vnd dauon yetz
gesagt/die Jünger dermassen leeren wollen/nämlich/das
sein leib für vns am creüz gebrochē/warhaftig vnser See-
len speiß sey/vnnd das sein blüt zur vergebung der sünden
vergossen/warhaftig ain tranck sey/damit all Christglau-
bige gespeißt/getrenckt/geneeret/vñ erhalten werden zum
ewigen leben. Das will der Herr durchs brotbrechen/näme-
lich/den nutz vnnd die gemeinschafft seines leibs/ als des
waren himelbrots/im glauben zuuerstehn geben/ vnd das
die kirche Christi dadurch/solcher wolthat/gnad vnd spey-
sung zum lob Gottes erinnert werde/wie in dann auch die
Jünger nach seiner auferstehung/da er zur speiß des lebens
worden/im brotbrechen erkant haben/Luce 24.

1) Corint. 10:

Darumb so hat er beim brotbrochē/in betrachtung dises
grossen geheimnuß/allweg Got dem himlischē vatter ge-
danckē/in hoch gelobt oder gebenedeit/von wegē der siben
reichen götliche schätz vñ güter/so er von im dē vatter/ als
der natürlich geliebte Sun empfangē/welche er auch wey-
ter allem glaubigen flaisch/vermittelt seins tods/zur ewi-
gen erlösung vñ speisung solt geben/vñ austrailen/im haili-
gen gaist/wie es dan Joh. 6. der Herr selbs mit mehr wortē
volckömlicher hat gelehrt.

Wal

Frag.

Weyl der Herr Joh. vi. nit hat das Nachtmal gehalten/wie mögen sich dann die wort des Nachtmals mit denen im Johanne vergleichen?

10.

Antwort.

Die wort des geheimnuß vom leib/flaich vnd blüt Christi (an welcher verstandt vnd glauben der ganz grund gelegen) seind an beyden ortein gleich vnd ains/das es auch den Euangelisten Johanne für vnndtzig angesehen/dieselben in der beschreibung des Nachtmals am 13. Cap. widerumb zuerneweren.

Vnd zu gleicher weiß/wie der Herr Johan. 6. ain sichtbarlich werck des brotbrechens/speysung vnnnd setzigung laßt voran gehn/ darauff er von disem geheimnuß redet vnd leeret/ daß sein flaich warhafftig ain speiß sey/ Nach dem er auch daselbst zwaierlay brot gegen ainander setzt/ vnd die ewige vn sichtbarliche speiß der Seelen/von der vergenglichen sichtbarlichen speiß des leibs/deütlich vnder schaidet/durchs leiplich auffs gaislich weist/vnd spricht/Würcket speiß nit die da verdürbt/sonder die da bleibt iins ewig leben/welche der Sun des mensche euch geben wirt ic. Also füret er dergleichen im Nachtmal das glaubig hertz der Jüngern durchs sichtbarlich vergenglich Sacramet/über sich/zum ewigen vn sichtbarliche geheimnuß des waren himelbrots/damit er selbs speißt/spricht nach dem brot brechen vnnnd essen/das sein leib (eben) das sey nach seiner art vnd natur/was das gebrochen geessen brot ist.

Allain ist diß der vnder schaid/ Nach dem gedachte speiß ist im Johanne verhaissen/wie sy in des Herren Nachtmal allen glaubigen außgethailet wirt/aussiem lebendigen wort im hailigen gais/das bey dem Nachtmal/ auch zu dem/das

Das brot d
ich gebt werd
ist mein flai
sche ic.

E sichtbar

sichtbarlich Sacrament des brotbrechens zu des Herrn wol-
dergedechenuss ist eingesezt vnd besolhen worden.

Frag.

Es wirt aber Johan. vi. vom gaistlichen es-
sen/ vnd im Nachtmal vom leiplichen essen
des leibs Christi geredt/ darumb kan es nit
ains sein?

Antwort.

Das Christ-
us leib nur
gaistlicher
weise genos-
sen werde,
Joh. 6. de
Trinkt.

Gleich wie alle anserwölten nur ainen ainsaltigen vnd
zertailigen Christum habe/ nun bey dem vatter im himlischen
wesen/ waren Got vnd menschen/ der jr mitler/ leben vnd
säligkeit ist/ durch welchen sy mit Gott verainiget werden
im heiligen gaist. Vnd gleich wie sy als die himlische tische-
gest/ nur ainen gaistlichen Speyster/ Wirt vnd Herren ha-
ben vnd kennen/ der sy alle mit ainander von dem seinen
warhafftig speysen zum ewigen leben/ Deshalben sy auch
1. Corinth. 10. vnter ainander ain brot vnd ain leib genant
werden/ Also wissen sy dabey/ in warhait von keiner ande-
ren weis/ dadurch die Seel gespeist werd/ dan von der ob-
gedachten gaistlichen weyse/ Sy wissen von keinem andern
dann von dem ainigen gaistlichen essen vnd trincken des
lebendigmachenden leibs vnd bluts Jesu Christi/ welches
im geheimnuss geschicht auß der krafft seines allmächtigen
worts/ durch den waren glauben.

Von der al-
teit der re-
de Christi im
vi. cap. Joh.
vñ im Nach-
mal.

Zu dem/ so ist die leer Christi in ewigkeit vnwandelbar/
ainig/ vnd allweg bestendig/ Es ist beyde/ im Nachtmal
vnd im Johanne ainerlay geheimnuss/ Die wort des Her-
ren von seinem leyb vnd blut/ seind eben als wol gaist vnd
leben/ als die wort von seinem fleisch vnd blut geredt/ Des-
halben sy auch von not wegen an beyden orten aintrechtig/
vnd als Gottes wort/ gaistlich müssen geurtheilt/ ange-
nommen/ vnd verstanden werden/ daß sy ainen sinn/ bey
meinung

inahrung/vnd gemüthe des Herren vnzertreulich fürtragen/
vnd gleich wie ander gehaimnuß in Christo ewig bestendig
sein vnd bleiben.

Summa/das die glaubige vätter/sa alle menschen von
anfang der welt biß auf den Jüngste tag/zügleich densel- Galat 31
bigen ainen Chrustum haben/durch welchen/vnnd in wel-
chem sy/sampt vns/als in dem ainigē samen der benedeiung
(etwan Abiahe versprochen/aber nun im flaisch offenbar-
lich dargestellt) zu kindern Gottes angenommen/im glau-
ben erlöset/vnd gleicherweiß müssen gespeist vnd geseliget
werden. Dañ Jesus Christus (ist) gestern vnd heüt/er (ist)
auch derselbig in ewigkeit/Hebr. 13. Welchs aber alles nit
wa der Herr im Nachtmal von ainem andern/wañ zuvor
in Johanne/nämlich/wa er darinn von ainem leiplichen
essen vnd trincken seins leibs vnd blütes solte geredt haben/
dauon doch die vätter im allten Testament nichts gewist/
dauon auch kainem Prophecen irgendt etwas ist offenbart
wordē/das er/Christus/mit irdischem biot sich wesenlich
solte verainigen/vnd darauß/damit oder darunder leiplich
wolt empfangen oder genossen werden ic.

Frag.

Sagt aber nit der Herr in dem Nachtmal/
DAS ist mein leyb: dadurch er ja mit dem
zaigwörlin/DAS/aufs irdisch/sichtbar-
lich biot weyset/das er nämlich in der hand
het/spücht das biot sey sein leib? Antwort.

Unser Herr Christus/spücht nit/Das biot/oder mit dem
biot/oder im biot/ist mein leib/Eben als wenig er spücht/
Das biot werde mein leyb (Er weyset mit dem zaigwört-
lin DAS/auf kain sichtbarlich biot/wie er dann auch kai-
nes mehr in der hand gehabt/da er die wort von seinem leib

C ij redet)

rebet) Welchs dan nach vil andern/der befehl des hertzen
vnnnd die vnderfchaidliche ordnung der irdischen vnd him-
lischen dinger/ Desgleichen auch der Euangelist Marcus
gnugsam außweist.

Als aber der hertz spricht/ Das ist mein leib/ rebet er nach
dem werck des brotbrochens/ von der gaislichen art/ natur
vnd eigenschafft seines leibs/ wie vnd was er yetz im wort
vor Gott wesenlich ist/ nit das er erst im brot solte werden.
Vnnnd eben als wenig sich eruelgt/ wenn man Exempels
weiß zureden/ von ainem Crucifix sagt/ Das ist der hertz
Christus am creüz/ das darumb der hertz Christus soll leib-
hafftig oder warlich im bild sein/ vnnnd mit dem bild über-
raicht werden/ Als wenig vnnnd vil weniger volgt/ das er
nach innhalt vil außsprechung der wort (die den nach dem
vorigen exempel in irer Götlichen art ganz vngleich sein)
leibhafftig soll im brot/ oder mit dem brot sein.

Dann es ist ain aigne sonderliche weiß von den Sacra-
menten vnnnd Gottes gehaimnussen dermassen zeredend
nämlich/ durch das zaigwörtlin DAS/ oder dergleichen/
das gemüt aines verstendigen vom sichtbarlichen bildnuss
über sich zur warhait züfüren/ vnnnd derselbigen durch ain
fürgelegt werck oder zaichen züberichten vnd zherinnern/
das sy im glauben deffer leichter verstanden/ vnd gaislich
möß erkandt werden/ Welchs nit allain in hailiger schrift
sonder in allen händeln vnd sprachen/ vom bild vnnnd der
warhait/ vom schatten vnnnd dem körper/ vom schein vnd
wesen zureden/ fast brauchsam ist. Exempel/ Wen ich auf
die Sonn weysset/ vnd sagt/ Das ist der hertz Christus allen
glaubigen hertzen/ so wirt darumb nit volgen/ das Christus
die leipliche Sonne/ mit/ oder in der sonne sein müßte/ Son-
der das er auch ain Sonne/ ja ain herlicher/ nämlich/ die
gaisliche himlische Sonne ist/ die vns erleucht zum ewigen
leben. Also möcht man von zweyen Christlichen Eheleu-

von ſich ziehen vnd ſagen/ Das iſt Chriſtus vnd ſeine
heimat/ Ephes. 1. Es het auch Chriſtus ſelbs vom Weins-
ſtock mögen reden/ vñ darauff ſagen/ Das bin ich/ Joh. 15.
wie er nach dem gebrochenen/ geſſnen brot ſpricht / Das iſt
mein leib 1c. Auß welchem nun wol iſt abzunehmen/ wie ſol-
liche reden verſtanden/ vñ gäſſlich müſſen vnderſcheiden
werden/ wie daß diſe art ſunſt durch vil dergleichen exem-
pel vnd reden auß hailiger ſchriſt/ baide des alten vñ neu-
wen Testaments/ genugsam kan beweyſet werden.

Exempel dergleichen rede/ auß Hailiger ſchriſt.

Genesis am 17. Da Gott der Herr dem glaubigen Abra-
ham das groß geheimnuß der menſchwerdung Chriſti/ vñ
ſeiner gnädigen verainigung mit dem fleiſch wolt anzei-
gen/ vnd verhaiſſet wie er nämlich mit im/ dem Abraham/
vñ mit ſeinem Samen/ ainen ewigen Pund het beſchloſſen
auffzurichten/ das er ain erb des himelreichs ſein ſolte 1c.
Leeret er ſolchs durch leipliche verhaiſſung aines leipliche
figürlichen volcks vñ landes/ Gibt im deß zum zeichen
die beſchneidung/ vnd ſpricht vnder andern alſo/ Das iſt
mein Pund/ den jr halten ſolt zwifchen mir vnd euch/ vnd
beinem ſamen nach dir/ bey jren nachkommen/ Alles was
männlich iſt vnder euch/ ſoll beſchnitten werden 1c. Wie
wol ſich nun diſe red laſtet was anſehen (vñ noch heüte
bey den Juden) als ob Gott der Herr mit dem zaigwörlin
DAS endlich auf ain eüſſerliche beſchneidung (ja auf ain
leiplich volck vñ land) geweiſet/ vñ dar auf ſein beſchließ-
lich fürnemen des ewigen Pundes ſollt gerichtet haben/ ſo
iſt es doch des Herren mainüß nit gewesen/ davon Heb. 11.
Dann ſunſt weren Iſmael vñ Eſau/ als die da waren be-
ſchnitten/ auch im Pund Gottes gewesen. Es weiſet aber
Gott daſelbſt durch ain eüſſerliche vergengliche figur/ auf
die innerliche ewige warhait/ welche in Chriſto ſollt offen-
C iij bart

bart werden/ Er weyset durch das zeichen der leipliche be-
 schneidung/ gleich als durch ain fürbild/ mit dem zaig wir
 in DAS/ übersch auff's gehaimnuß/ auff ain andererey-
 lichere beschneidung/ die allain vor im gilt/ nämlich/ auff
 die innerliche gaistliche beschneidung des hertzens/ welches
 Item. 31. ist ain beschneidung Jesu Chusti/ die denn erst zum rechten
 pundt vnd Testament Gotes gehört/ davon Colos. 1. Phi-
 lip. 3. Roman. 2. Welcher auch die leipliche beschneidung
 (das leipliche volck vnd allte Testament) nur ain figur vñ
 zeichen gewesen ist/ wie es daselbst volgend der Text deut-
 lich von der beschneidung mitbringt/ wie es auch vom heil-
 igen gaist/ durch Paulum inn der offenbarten gnad vñnd
 warhait klärlich ist außgelegt worden/ Rom. 4. 9. Item in
 der Epistel zum Galatern vñnd Hebreern.

Darum so steht die rechtegeschafne verhaiffung/ der ewig
 pundt vñnd endelicher handel Gotes mit Abraham vñ sei-
 nen nachkömlingen/ allain in der krafft des allmächtigen
 worts/ das da solte fleisch werde/ das Got dem Abraham
 ins hertz redet/ da er spricht/ Das ist mein pundt ic. wel-
 chem auch der Abraham hatt geglaubt/ vñnd es ist im
 gerechtigkeit gerechnet/ Dann wie Paulus sagt/ so ist nit
 das ain Jude (vor Got) der offentlich ain Jud ist/ Es seind
 nit diß kinder der verhaiffung/ die nach dem fleisch (Abra-
 hams) kinder seind/ Auch ist das nit ain beschneidung/ die
 außwendig im fleisch geschicht/ sonder das ist ain Jude vñ
 Abrahams sun/ der innwendig im verborgen ain Jud oder
 kind Gotes ist/ Vñnd die beschneidung des hertzens/ ist ain
 beschneidung die im gaist beschicht/ Rom. 2.

Summa/ in Isaac (das ist in Chusto Jesu) soll dir der
 Same genennt werden/ sprichet Gott der Herr/ auff wel-
 chen allain Got der himlisch vatter gesehen vñnd geweyet
 hat/ auff welchen auch allain/ als auff den ainigen Sun/
 vñnd ainigen samen der bebedeyung/ aller rath/ end/ vñnd
 beschloß

Das wort
 der verhaif-
 fung ist Chri-
 stus.

Abraham al-
 ter glaubigen
 väter/ Ro. 4

beschluß der gehaimnuß Gottes ist gerichtet worden. Wie-
wol das eüsserliche dabey/ es sey gleich die verhaßung des
landes Canaan/ Beschneidung/ der zeitlichen gonst Got-
tes/ vermerung des samens/ vnnnd was dergleichen war/
vor den flaischlichen Israel/ auch inn seiner ordnung stehn
bleibt/ das es alles in der figur vnd fürbildung auff Chris-
tum/ biß er keme/ auff sein reich/ volck vnd gaisstliche güter
weyßte/ vnd solches alles als zükünfftig anzaigte. Darum
ß muß es allweg durch ain gaisstlich vithail recht vnder-
schaiden werden.

Solchem gemelten Exempel nach/ da Got spricht/ Das
ist mein Pundt ic. vnd also verborghner weiß neben dem für-
bild der beschneidung vñ eüsserlicher figur/ von der zükünf-
tigen gnad vñ verhaßung des himelreichs/ mit dem glau-
bigen Abraham redet/ soll auch sein rede im flaisch/ da er
nach der weiß seiner lernung beym brotbrechen von diesem
grossen gehaimnuß als gegenwertig redet/ vnnnd spricht/
Das ist mein leib ic. gaisstlich gerichtet/ vnd wie es vor Got
ist außem wort/ das gaisst vñ leben ist/ verstanden vnd em-
pfangen werden. Also/ daß das eüsserlich in reden von den
gehaimnußen Gottes gleichwol auf seinem ort stehn bleibe/
Damit im Götlichen handel/ da zway ding/ ain himlischs
gaisstlichs/ vnd leiplichs eüsserlichs/ etwan in ainer gegen-
sætzung zusamen kommen/ das gaisstliche dem gaisstlichen in-
nerlichen mensche des glaubens/ Herwiderumb auch/ das
leiplich dem leiplichen eüsserlichen zugeaiget/ das die zway
in gebürlicher ordnung (wie auch der leib des Herén) vñ
verschaiden werden/ das ermanet Paulus 1. Corinth. 2.

Daher gehöret auch/ was Exodi am 12. geschriben steht/
Do Moses auß Gottes befelch die figur des Osterlams vor
den figürlichen flaischlichen Israel einsetzt/ vnd besilcht/
wie sy sollen dasselbig opffern/ schlachten vnd essen/ wie die
baße pffosten an der thür des hauß/ vnd die oberste schwell/
is sy

*Pesah illu
Domini.*

sa sy selbs / Exodi 24. mit dem blüt sollen besprenget werdt
Spücht er zum ersten darauf / Es ist (oder das ist) des her-
ren Pascha. Vnd darnach im 24. Cap. Das ist das blüt des
pundts / den der Herr mit euch machet. Damit sihet aber
der gaist Gottes nit auff das figürlich lamb oder Osterfest /
Er sihet auch nit auff die leipliche erlösung Israels / Son-
der auff das recht Osterlamb Chrustum / vnnnd auff die ewige
Gödeliche warhait / die künfftig in Chusto solt eröffnet wer-
den. Er sihet in summa auff das gehaimnuß der dispensa-
tion / auffopfferung / erlösung / speysung vñ seligmachung /
die da ist in Chusto Jesu / auf welchen der Moses im dienst
endelich durch obgedachte figürliche leere über sich als im
schatten will geweyset haben.

*Mose hat vñ
mit geschriben
Johan. 5.*

*1. Corint. 5.
1. Corint. 1.*

Dann Chrustus ist das warhafftig Pascha / das lamb
Gotes / für vns ain mal am creütz aufgeopfert (heb. 9. 10.)
dardurch er vns zur gerechtigtait / zur hailigung / zur erlö-
sung / vnnnd zur speys des ewigen lebens worden ist. Es ist
auch eben dasselbig / so vnter der figur des Osterlambts ic.
dort als künfftig fürgetragen / dem gaistlichen rechten Is-
rael (wiewol da zur zeit noch dunckel vñ verborren) durch
den glauben in der warhait der verhaissung gewesen / was
der Herr Chrustus de Jüngern in dem Nachtmal offentlich
erklärt / schenckt / darstellt vnd aufstelt / als er seinen leib
flaisch vnd blüt / zur ewigen erlösung / zur speiß vnd trank
des himlischen lebens dargibt / da er nach dem figürlichen
essen des Osterlambts / diß vnser Sacrament / bey dem vn-
gesurten brot / einsetzt / vnd nach dem brotbrechen vñ essen
spricht / Das ist mein leib / der für euch gegeben wirdt / Das
ist mein blüt / das da ist ains newen Testaments / das für
vil vergossen wirt / zur vergebung der sünden / Welchs auch
Paulus bey der vndercheidung des alten vnd newen Tes-
taments / hebr. 9. außem Mose dermassen einfüret vnnnd
auslegt / da er schreibet / Das ist das blüt des Testaments /
das

das auch Gott gebotten hat ic. beschleßst er es alles daselbst
in vnd mit Christo.

Solche vnd dergleichen reden / werden in Prophetz vnd
Psalmen unzählich vil befunden / darinn vom gaist Gottes
durchs zaigwörtlin DAS / Dis / oder Der / das gleübig ge-
müt über sich auf ain geheimnuß in Christo / vnd auf ainem
endelichen handel oder beschluß Gottes beweiset / welcher
etwa auß ainem fürgelegten bild / dermassen gelernt / abge-
nommen / vnd im wort Gottes wirt verstanden.

Als Ezech. 5. da Gott durch die verströung vnnnd ver-
biennen des hares / die zerstörung Jerusalems / in ainem für-
bilde dem Propheten zükennengibt / spricht er darauff /
Das ist Jerusalems. Vnd aber Ezech. 37. da er das geheim-
nuß der auferstehung der toten / durch die dürre bain wolt
anzeigen / spricht er / Dise bain (ist) das ganz haus Israhel.
Nach welchem exempel auch der spruch Pauli / 1. Corin. 10.
da er sagt / Das brot das wir brechen / ist aber nicht die ge-
meinschaft des leibs Christi ic. in seiner massen möcht ge-
richt vnd verstanden werden. Dañ es muß in solchen reden
der geheimnuß Gottes / überal die Götliche warhait vom
eüsserlichen bild oder zeichen / durch ain gaistlich vntail / vnt-
erscheiden / vnd der beschluß allain im wort Gottes vnnnd
in Christo gesucht werden.

Item Zacha. 4. vnd 5. wirt man solcher exempel vil fin-
den / vñ in Psalmen desgleichen / auch on aufgedruckte für-
bildung / als Psal. 118. vom himlischen Jerusalems / Das ist
das Thor des Herren / die gerechten werden da hinein ge-
(welchs aber die Juden außs leiplich Jerusalems deüitten)
Vnd aber / von der dispensation oder ampt Christi / Das ist
der tag des Herren / laßt vns fröwen vnd darin frölich sein /
Disen tag hat auch der Abraham (im glauben) gesehen / vñ
hat sich gefreüdt / wie der Herr sagt Johan. 8.

Ich bin die
thür / spricht
der Herr Jo-
hannis 10.

Summa / sollichs ist alles vom gaistlichen Christo / von
D seinem

seinem reich/genaden/wolhat/geschenck vnd himlischen
schätzen geredt worden/darauff das zaigwörtlin/DAS/
eben als wol dort als hiebey in Worten des Nachtmals von
dem eüsserlichen übersich weyser.

Diser art zereden hat sich nun auch im newen Testamēt
der Herr Christus selbs/vñ der Hailig gaist durch die Apo-
steln/in mysterien oder gaistliche händeln (nämlich durch
das zaigwörtlin/wie gehört/übersich zeweysen/vnd in sei-
nes Reichs erkandtnuß zeführen) eben als wol als im alten
gebrauchet.

Ephe. 4.
Hebr. 1.

Dann es ist eben derselbig ainig Gott vnd Herr/welcher
ob er sich wol durch sein ewig wort zu ainer zeit andrer wei-
se weder zu der andern/dort in figuren/yerzt im flaisch klar
hat offenbaret/vñnd zu erkennen geben/So ist er doch alle
weg in seiner ordnung/art vnd Götlichen natur seines all-
mächtigen worts/ewigbestendig vñ vnuerwandelt bliben.

Matth. 11. da der Herr von Johanne dem Teüßler rede/
vñ spricht/Er ist Elias/weiset Er nit auf die eüsserlich per-
son (ja eben als wenig der Herr im Nachtmal auff's eüsser-
liche brot weiset) sonder Er weiset auf den gaist vñ auf die
innerliche Götliche kraft/Johannis/danon Luce 1. ge-
schriben steht/Er wirdt vor im (dem Herren) her gehn im

Elias soll
kommen.

gaist vnd krafft Helie/Das ist auch der warhafftig Elias/
der zuvor komen/vnd alles richtig machen soll/Matth. 17.

Was aber auch auß dem vnuerstandt des spruchs Mat-
hei am 16. Du bist Petrus/vnd auff DJSU selb willich
barwen mein kirch/verschiner zeit geuolgt/ deshalben/das
man solcher gaistlichen Demonstration dabey wenig hat
war genommen/ist wol am tag.

Im Euangelio Johannis sein vil dergleiche rede/exem-
pel/wie dan der Euangelist Johannes von der Götlichen
art vnd natur des worts/etwas höher vnd mehr: weder die
andern Euangelisten/geschriben hat/sonderlich im 6. cap.
da der Herr mit fleiß vom gehaimnuß seiner dispensations

wolthät vil gaislichen speisung/ auch mehr: daß im Nach-
mal leret/ Als da er die Juden durchs Manna/ vñ sunst/ in
sein gaislich erkänntuß wole führen/ weiset er sy in einer ver-
gleichlichen gegensatzung vom figürlichen vergenglichen
biot/ das zeitlich speiset/ übersich auß das/ das ewig speiset/
nämlich auff das recht lebendig himelbiot/ welches er selbs
gibt vñ ist/ vñnd spricht/ Das ist das biot/ das von hymel
kommen ist/ auff das man daruon esse/ vñ nicht sterbe.

Damit ist aber nichts vergenglichs leiplicher speise/ son-
der das wort Gottes/ das von seiner gaislichen art/natur/
vñ eigenschafft/ im flaisch redet/ vñnd was das flaisch sey
im wort (eben als wol als im Nachmal) durchs DAS/
anzeigt worden/ Wie sich dan der Herr bald darauff erklä-
ret/ da er spricht/ Ich bin das lebendig biot/ das da ist von
hymel kommen ic. damit man ja gnügsam verstehn künde/
von was biot der Herr redet/ vñnd warauff er mit dem zaig-
wörlein weiset. Es ist auch kein ander biot das er gibt zur
speiß des ewigē lebens/ weder eben dasselbig ainig biot/ wel-
ches der Herr Christus selber ist/ auß er auch im Nachmal
durchs wort/ das gais vñ lebē ist/ redet/ vñ es darauff gibt.

Was nun die andern Exempel / so all hieher diensflich/
sampt ainer weitem erkklärung belanget/ Als auß Rom. 1.
Das Euangelion ist Gottes krafft. Rom. 10. Das ist das
wort des glaubens. Galat. 4. Dise seind zway Testament.
Hebr. 7. Dieser (ist) der Melchisedech ic. vñnd dergleichen vil
mehr/ ist hie nit stat noch notdurfft anzuzainen. Sy wer-
den sich auch mit der zeit/ so das gaislich vitail in götlichen
dingen widerumb auß Gottes gnaden wirt auffgehn/ alle
selber an den tag geben. Dan in gedachten reden allesamt
wirt eben als wol inn worten des Nachmals/ wie nun zu
mehmalē gehört/ das gemüt aines (Götlicher dinger) ver-
stendigen menscheng/ vom eisserlichen/ das die sinnen be-
greiffen/ übersich außs gehaimnuß/ vñnd auß die gaisliche

D ij warheit

warhait in Christo / geweiht / welche warhait / traffe / vnd
geheimnuß / nicht mit irgendt ainer creatur / Sonder al-
lein (durch den glaubē) von Christo auß seinem selbs wort
im hailigen gait / müß recht verstanden / eingenommen /
vnd empfangen werden.

Dann gleich wie Christus das ainig geheimnuß Gottes
des vatters ist / in welchem alle schätz der weyßhait vñ des
erkenntnuß verborgen ligen / Coloss. 2. Also ist auff in-
aller rath Gottes / die schöpfung aller Creaturen / die w-
derbringung des menschen / vñnd der gangen hailigen
schrifft innhalt / gerichtet worden / welchem sey preiß vñnd
gewalt von ewigk ait zu ewigk ait / Amen.

Frag.

13. Barauff trefset dan das zaigwörtlin DAS /
in den worten / Das ist mein leib? Antw.

DAS Es ist ain gaistlich demonstration oder anweysung / wo
gehört / in der rede die da ist gait vñnd leben / sihet weder hin-
der sich auffs brot / noch für sich auff den sitzenden laib / son-
der auß dem das geschehen ist / das von Christo gethon vñnd
geredet wirdt / das die Jünger außsem brotbrechen gelernt
oder ins gemüt gefasset / hülffte es den sñ vñnd beschluß ma-
chen / Seytenmal was Christus thät / etwas sonderliche /
vñnd das was er redet / hailig vñnd wunderbarlich ist / Also
weyset es auff das / das dem eisserlichen werck des brot-
chens / essens vñnd speysens ic. in seiner gaistlichen aigen-
schafft etlicher massen gleich ist / ja daß die warhait selbs /
vñnd ain ewige gaistliche speiß ist / DAS / spricht der her-
(versteh nãmlich / was das brot ist / das da wirt gebrochen /
geessen / speyset vñnd neeret) Das ist mein leib der für euch
gebrochen wirt / Er ist ain speiß der hungerigen Seelen.

Darumb will an gedachtem zaigwörtlin Das / nit we-
nig beym rechten verstand der wort Christi sein gelegē / das
mans

mans gaistlich als Gottes wort wisse zerichten/ vnd vom
sichebarlichen in der Sacramentlichen eigenschafft/ über-
sich fñre/ vnd gebürlich kñnde vnde. schaiden.

Der heri spricht mit/ Das biot ist mein leib/ sonder das ist
mein leib/ Dañ es redt Gotes wort Chrustus von dē seinen/
durchs wort/ Er redet nicht vom iridischē biot/ sonder von
dem/ das wesentlich in jm ist/ das in der krafft seins worts
wirt getragen/ vnd außsem worthe das gaist vnnd leben ist/
wirt empfangen/ wie auch Origenes vnd Cyrillus dāvon
schreiben/ Darumb so ifts alles an worten des Nachmals/
Das ist mein leib zc. gelegen/ das man dieselbigen recht ver-
steh/ von allem sichebarlichen absündere/ vnd als gaist vn
leben von Christo selbs im waren glauben anneme. Daher
kompt die speysung/ stercke/ krafft/ hail/ leben/ vnd ewige
säligkeit/ Dañ das ist das wort das von dem mund Gotes
ausgehet/ darvon der mensch lebet/ Deut. 8. Matth. 4. Auß
dem worthe seind auch verschiner zeit/ nāmlich in der zeit der
vnrwissenhait/ alle vnser glaubige vätter/ verboigner weis-
se/ gespeisset vnd gesettigt worden/ wen sy zum Sacrament
gegangen/ vnd im glauben gesprochen haben/ O heri/ ich
bin nit würdig daß du gehst vnder mein dach/ sonder sprich
mir ain wort/ so wirdt mein seel gesunde. Solch wort aber
wirt nun durchs Euangelium offenbart/ vn̄ es ist der Sun
Gottes/ das ware himelbiot Chrustus der heri selbs.

Das man
die wort recht
versteh.

Wer nun mit den augen des hertzens wol auffsihet/ be-
trachtet was Chrustus im Nachmal thut/ vnnd mit glau-
bigen oren höret/ was er darnach von der eigenschafft/ na-
tur vnnd wesen seines leibs vnd blüts inn der krafft seines
allmächtigen worts redet/ vnnd die zway im hertzen zñsa-
men treget/ sy wol mit gaistlichem verstande richtet/ der hat
nit allain den sinn/ mainung vnd krafft der wort des her-
ren ernalgt/ Sonder er ist auch also tailhafftig des leibs vn̄
blüts Chrusti auß seinem lebendigen wort/ vnd kan würdig

Wie der leyt
Christi in dē
Nachmal
empfangen
werde.

D iij das

das brot des Herren bey seinem Nachtmal empfangen / oder
mit Communiciren.

Souil sey von worten Christi vnd von dem zaigwörter
DAS gesagt / das es nämlich in gaislichen reden der ge-
heimniß Gottes das glaubig gemüt übersich zeücht / das
es auch in den worten des Nachtmals auf das selbstendig
brot nit weiset (ja eben als wenig daß DAS / in der rede des
befehls / da der Herr spricht / DAS thut zu meinem wider-
gedächtniß / aufs brot weiset) wie daß auch der leib Chri-
sti kains wegs mit demselbigē brot kan vermengt noch ver-
ainbart werden. Dañ so bald man solch gaislich wort Ho-
rato, oder Das / vnder sich auffs brot zeücht / vnnnd von dem
brot auslegt / so seind die wort nymmer gais vñ leben / Den
sy wurdt nicht vom gaisliche / sonder nur von ainem leib-
lichen brote reden / das hie vnd da der leib Christi sein müste /
welchs aber falsch vnd gantz wider den sijn / hertz vnd mei-
nung des Herren ist / Damit auch dabey das war gaislich
essen vnd trincken des leibs vnnnd bluts Christi wurde ver-
dunkelt / vntergedruckt vnd aufgehaben.

Frag.

Ob nun gleich diser verstand der gaisliche an-
weisung bey den wortē des leibs bestünde / weil
da nit steht / Das brot ist mein leib / So wirt es
dañoch bey dem Kelch nit volgen mögē / weil
daselbst steht / Diser Kelch ist ain new Testa-
ment ic. Luc. xxij. i. Cor. xi. Damit ja der sicht-
barliche kelch oder tranck / das new Testamēt
oder blut Christi genant wirt? Antwort.

Die Euangelisten vergleichen sich allenthalb bey dem
grund der Warhait dises herrlichen gehaymnus / eben als
wol

wol bey den worten des blüts oder neuen Testaments / als
 sy sich bey den worten des leibs vergleichen / Es steht aber
 nit in der Sprachen / darinn die wort vom hailigen Geiste
 beschriben / Diser Kelch ist ain new Testament ic. Darumb
 so wirdt mit der sichtbarlich Kelch oder tranck vom Herin/
 das new Testament genendt / sonder es steht / DAS (ver-
 pfin) ain Kelch oder tranck das new Testament (ist) in mei-
 nem blüt / damit von Luca vñ Paulo das stücklin *το ποτήριον*
 (ist so vil / als ain besonder Kelch) zur auflegung des vor-
 hern zaigwörtlins DAS / ist hinzü gesetzt worden / mit wel-
 chem auch Mattheus vnd Marcus also gang gleichstim-
 men / so sy schreyben / DAS ist mein blüt das da ist aines
 neuen Testaments ic. Was ist's? Es ist nämlich ain Kelch
 oder tranck / Dann wie beim Mattheo vnd Marco in der
 red vom blüt / das wort Kelch oder Tranck im gaislichen
 deßzaitchen DAS / mit wirdt eingeschlossen / vnd darun-
 der verstanden / Also wirdt im Luca vnd Paulo offenbar-
 lich zu mehrer erklärung aufgetruckt / auff das man den
 gaislichen tranck / das blüt des neuen Testaments deßter
 leichter versteeen möge.

In summa / zu gleicher weyse wie der laib Christi für sich
 selbs ain biot (ja das recht biot Gottes / vñnd die himlische
 speiß ist) also ist auch das blüt Christi (das da ist ain blüt
 ains newen ewigen Testaments) oder das new Testamēt /
 im blüt Christi / für sich selbs ain besonder tranck / nämlich
 der himlisch tranck vñ waren weinstock Christo aufgepreßet
 durch welch baide / gespeißet / geneeret / gewaschen / getrenckt
 vñ gehailiget werden die hungerigen / besleckten / armen /
 gläubigen gewissen vñ durstige Seelen / das sy empfahe-
 n die reiche Erbschafft des neuen Testaments / vñnd des ewi-
 gen lebens . Wer nun die art vñnd natur des neuen Testa-
 ments / auß Gottes gnaden recht betracht vñnd verstehet /
 das nämlich alles was darzu gehöret / müßte ewig / new / be-
 stendig /

Christus blüt
 ist der tranck
 des neuen
 Testaments.

Art vñnd al-
 gerschaft des
 neuen Te-
 staments.

stendig/himlisch/vñ gaistlich sein/das es auch nit in etwas anders ist / oder gehandelt wirdt / dann in dem blüt Jesu Christi. Der wirdt obgedachte irrung bey den Worten des Nachemals deßer leichter erkennen/daneben auch die wort haire bestendig ergreiffen mögen.

Aber von der vnterscheidung gedachter zweier tranche/ nämlich des irdischen vnd himlischen/des alten vñ newen redet der Herr volgend selbs/da er also spricht/ Dañ ich sag euch/ Ich würd hinfür nit trincken von disem gewechs des Weinstocks / biß auf den jhenigen tag/da ich das new mit euch trincken werd in dem Reich meines vatters/Mat.26. Vnd darumb spricht der Herr/ Wer mein flaisch ysset/vnd mein blüt trincket/der bleibt in mir/vnd ich in jm/Joan.4

Frag.

15

So haltest du nit / daß das brot des Nachemals / auß krafft der wort / der wesentlichlich leib Christi sey?

Antwort.

Wie vor gesagt / Es seind zway brot ins Herren Nachemal gegen ainander gesetzt / ain himlischs gaistlichs vñ sichtbarlichs / vnd ain irdischs leiplichs sichtbarlichs / für baide naturen des glaubigen menschen. Das erst bleibet ewig/wirt von dem waren gaistlichen/vnsichtbaren Priester/von des menschen Sun/den Gott der vatter hat besetzt/das ist / von Christo selbs im Nachemal außgethailet/vnd gegeben/ nit in leiplichen mund / sonder in der Christi glaubigen hertz/auß krafft seines Allmächtigen worts/vñ ist wesentlich der leib Jesu Christi. Das ander brot wirdt vom leiplichen sichtbarlichen Diener oder Priester/mit der Christlichen gemain gebrochen/vnd zum widergedechnuß des Herren/zur dancksagung der speiß vor das Gratias außgethailet/bleibet nit ewig/weiset nur auf das erst/vnd hailet das

das brot des herren / ist aber nit wesentlich der leib Christi /
Also auch von den zweyerley trüncke des Nachtmals zu
reden. Darumb so ist der leib Christi für sich selbs ain brot /
Er ist das ware überwesentliche himelbrot / kan noch will
mit dem jrdischen Sacramentlichen brot kainerley weyse
vermenget / kainerley weyse verainigt / weder darein ver-
wandelt / noch darauff empfangen werden. Zu dem / so halt
es auch yetz die gemain Kirche nitt / daß das sichtbarlich
Brot des Altars / oder vnterm Brot der leib Christi sey / Sy
helt auch nit / das er mit dem brot überreichet vnd empfan-
gen werde / ja so ferz nit / daß sy solche opinion für ain ketze-
rey vnd schwere Abgötterey verdammet (als ob dardurch
die alte Creatur des brots mit dem Schöpffer vermenget /
oder sunst vnshicklicher weiß verainiget würde / wie in et-
lichen Concilien beschlossen / darinn gedachte opinion für
irrig ist erkande worden.

Frag.

Die Kirch glaubt aber / das durch die wort der
Consecration das brot in leib Christi gewandelt
werde / vnd das vnter der gestalt des brots der
leib Christi leiplich auff dem Altar / vnnnd ins
Priesters hand gegenwertig sey? Antwort.

Ich waiß das die ware Christliche Kirch von einer gaist-
lichen gegenwertigkeit des leibs Christi im gehaimnuß des
Sacraments ye gehalten vnnnd geglaubt hat / wie auch die
Christglaubigen also warhafftig damit gespeißet werden /
Sy waißt nun / nach dem Christus ist erhöhet / nichts von
der leiplichen gegenwertigkeit Christi / nämlich in Creatu-
ren / ins Priesters hand / in sichtbarlichen orten ic. Es ist die
zeit sein leiplichen gegenwertigkeit vnnnd erniderung ver-
gangen / dauon Ioan. 12. 16. Phil. 2. Heb. 2. vnd alles ist in

E im

im new worden/ 2. Corin. 5. Er ist auferstanden/ der lebendige will hinfür nit bey den todten hie vnd da leiplich gesüchert/ noch auch in die hände der sündler überantwort werden. **Luce 24.** Nach. 26. Vnd der alle ding in seiner hand beschleißet/ kan von kains mensche händen getragen/ noch an kaimem ort beschlossen werden.

Wie möcht auch die Kirch obgedachte verwandlūg wahrhaftig glauben! Seytemal die wort/ welche man consecrationes nent/ von ainem ding reden/ das yetz für sich selbs im wesen ist/ Sy reden nit von ettwas das durch die aussprechung der wort wirt gewandelt/ oder erst ain wesen an sich neme/ **DAS IST** mein leib/ spricht der heri/ Was ist er! Er ist im wort den glaubigen/ nämlich das/ was ain gebrochen brot ist/ das da speiset ic. Darüb so will kainer wandlung oder ain biötung/ sonder allain ainer gaistliche vnterscheidung/ vnd des glaubens erkantnuß/ hiebey von nöten sein/ Das brot bleibt in seiner substanz ain brot des heren/ Das wort aber wenns im glauben wirt gefaßt vñ verstanden/ bringet mit sich das lebendig brot/ den leib Jesu Christi zur speiß der seelen/ wie es dann ins hertz gehört/ auch nur zum hergen vñnd oren/ nicht übers brot oder zum brot vom heren ist geredt oder zureden befolhen worden.

Frag.

17. Ist aber nit der leib Christi leiplich vnder der gestalt des Brots?

Antwort.

Der leib Christi/ sein art/ frucht vnd natur wirt wol vnder der gestalt/ gleichnuß/ oder eigenschafft des brots vnd seiner speißlichen art den glaubigen angezaigt vñnd fürgebildet/ sy werden auch dardurch eüsserlich auffgeweckt/ gelernet vnd ermanet/ wie sy gaistlich im gehaimnuß des Sacraments mit dem leib Christi als mit dem waren hymel brot gespeiset vnd generet werden zum ewigen leben/ **Da dann**

Dann auch etliche Leerer auf solche weiß danon geredt vnd geschriben haben/ Nit aber das er leiplich in/oder vnter den vergenglichen Creaturen hie vnd da solt verborigen ligen/ vnd darinn mit seinem wesen begriffen/oder mit leiplichem munde möcht empfangen werden.

Summa/es ist diß ain gaistlicher handel/ vñ ain gehaim nuß deß glaubens / darumb so muß allain der ware glaub allhie maistern / verstehn vnder kennē / der allain weiß den leib Christi im Nachemal deß Herin zespüchen / zweiffen / vnd vom eüsserlichen zū vnder schaiden / wie auch Augustinus spricht / daß allain die glaubigen wissen / wie sy das fleisch Christi essen ic. die vnglaubigen seind vor Gott tod / können an der speiß des lebens kainen tail haben / gleich wie sy auch on irung vñnd schaden mitt dem Sacrament kaines wegs können handeln oder vmbgehn.

Es ist auch wol zumercken / Ob wol der leib Christi ain ware gaistliche speiß vnd tranck ist / Ob wol die wort / Das ist mein leib / gaist vnd leben seind (deßhalben sy dan auch gaistlich vom gaistischen leyb vñnd blüt sollen verstanden werden) das darumb nit volgt / das Christus nit ain warhafftiger mensch sey / noch warhafftig gelitten hab / das er darumb nit seinen rechten leib am creüz leiplich dargegebē / vnd sein natürlichs blüt für vns soll vergossen haben / Es volgt solchs nit (wie aber die Marcioniten vñ Manicheer frekeregery wider Christum gern darauff geschlossen hetten) Sonder es hat Christus / der da ist warer Got vnd mensch / eben darumb gelitten / vnd sein blüt am creüz vergossen / er ist darumb aufferstandē / vnd inß hymnisch wesen eingangen / das er vnns erlöset / mit seinem vatter im himel versüntē / newgebüre / an sich züge / vnd vnser gaistliche speiß würde. Danon redet auch der Herr beschließlich im Nachemal / fasset disen ganzē göelichen handel / all sein dispensation / wolthat / nutz vñ frucht seines verdiensts vnd leidens.

¶ ij ins wort

August. ad Bonifacium Epist. 32.

Rabanus de instit. cleri corū cap. 31.

Wir wandlen durch den glaubē / nicht durch die gestalt. 2. Co. 5

Aug. serm. de verbis dñi.

Wider den Marcion / vñ Manicheum.

Danen soll ins wort/darinn er alle ding/ja auch seinen leib/flaisch vnd
August. psal. blüt tregt/tailet solche himlische schatz des newen Testa-
33. verstan- ments auß (wie auch heüte) durch die krafft desselbigē sel-
ben werden. nes allmechtigē worts in der glaubigen Jünger hertzen.

Summa/Es redet der Herr Christus im Nachtmal vom
handel vnserer erlösung/nit allain wie es allhie in der zeit
vor vnns ist zügangen/da sein leyden warhafftig gesche-
hen/vnd für vns ist verbracht worden/Sonder er redet das
von durch sein ewigs E S T, wie es vor Gott außwendig al-
ler zeit im Götlichen wesen ist vnd steht/Wie es auch alles
zu vns außem wort würcklich komme/vnd vns durch den
glauben zum ewigen leben nützlich sein möge. Dabei steht
Apocal. 13. geschriben/ daß das Lamb von anfang der welt getödtet
1. Corint. 10. ist worden/vnd das die glaubigen vätter all ainerlay gais-
liche speiß (mit vnns) geessen haben/Dann Jesus Christus
(ist) gestern vnd heüte/Er (ist) auch derselbig in ewigkeit.

Johan. 3. Auf solche weis hat der Herr auch in Johanne geredt/da
er spricht / Niemandt steigt auff inn himel / dann der vom
himmel herab gestigen ist/nämlich der Sun des menschen der
da IST im himel. Vnd da Judas hinaus gegangen war
in zu verriaten/redet Jesus dermassen von der volendung
summa/vnd beschluß seines leidens/vnd des newen Testa-

Johan. 13. ments/da er vnder andern spricht/ Nun IST verklärt der
Sun des menschen/vnd Gott ist verklärt inn jm 1c. Also
spricht er auch Joh. 17. Vnd ich bin yetz nit in diser welt/vñ
sy (die Jünger) sein in diser welt/Bald hernach/Da ich bey
inen war in der welt/erhielt ich sy in deinem namen 1c. Das
redet der mund der warhait/da er noch leiplich hie außers-
den war/da er für vns in der zeit noch nit gelitten het noch
verkläret war/So ist er ja leiplich da er spricht/ Er sey nun
nit in diser welt/auch in der welt bey den Jüngern gewesen
(eben als wol er gegenwertig/vnd sein leib noch nit leiplich
am creüz für vns gegeben/nach sein blüt vergossen war/
da er

haer die Jünger damit speiset/ vñ die wort des Nachmals
 redt) hat doch allweg wol vñnd recht geredt/ aber als vor
 Gott/ wie er auch der ware Gottes Sun selbs war vñd ist/
 welchem alle ding gegenwertig/ vñ vor welchem das künftig
 schon war vergange/ der göelichen natur halben. Dara
 umb so muß man solchs alles auß der kraft vñd herligkait
 des allmechtigen worts holen/ dauon das wort im flaisch
 durch das JESU/ oder wesen/ als von dem seinen redt/ man
 muß es nach der Göeliche natur/ vñd wie es vor Gott ist/
 warhafftig vñderscheiden vñnd verstehn lernen. Wie auch
 das Joh. 15. Ich bin ain warer Weinstock/ vom gaisstliche
 weinstock/ Vñnd/ Mein flaisch ist warhafftig ain speys/
 vom gaisstlichen fleisch im worte (aber doch mit dem wort
 vñnvermischet) soll verstanden werden. Daher dann eigent
 lich die vñderscheidung des leibs des Herren will gehören/
 dauon Paulus so ernstlich ermanet/ 1. Corinth. 11.

Diweil aber etwan die Ketzer solche macht/ herligkait/
 vñnd allmechtige krafft Gottes worts/ nit haben verstan
 den/ Sy haben das wort nit gaisstlich richten noch glauben
 wollen/ Zu dem/ das sy auch von den zwaigen vñderschiedne
 naturen in Christo der ainen person / nit recht gehalten/
 Das auch etlich dem menschen Jesu/ seinem leib/ flaisch vñ
 blüt nun nicht wollen Göeliche kraft/ macht/ ehr/ vñ herli
 gkait zugeben/ seind sy desßhalb beym erkandnuß Christi
 (eben als wol als wir verschiner zeyt bey den worten des
 Nachmals) in merckliche irung gefallen. Darauf auch
 nun mánigklich wol kan abnemē/ wie ain hohes/ herliches
 gehaimnuß es ist vñbms Nachtmal/ vñ das 2. Sacramēt/
 vñnd vñb die wort des Herren Jesu Christi/ daran warlich
 all vnser seligkait gelegen/ dauon wir auch in aller Gottes
 forcht/ zucht/ vñd demüt/ vermittels ains ernsten gebeets
 handlen/ vñd zu Gott on vñderlaß scüßigen sollen/ das er
 vñs den rechten verstand vñd sein Göeliche warhait/ so vil

Irung bey
 erkandnuß
 Christi.

geistlichem zur saligkeit von nöten / hierinnen offenbaren
wölle / Dann so wir nit durch Got selbs in Christo / von den
geheimnussen seines himlischen Reichs gelert werden / so
mögen wir zwar wenig gründelichs vnd bestendigs / das
vor im gilt / dauon wissen / Aber du O Heri erbarm dich vns
fer / Amen.

Frag.

22. So glaubst du nit / wenn der Priester obgeda-
chte wort / DAS ist mein leib / in der Messen
über das brot spricht / daß das brot dardurch
in den leib Christi verandelt werde? Ant.

Jerom. 17. Ich kan noch soll inn Götlichen sachen / daran die ewige
saligkeit gelegen / meinen glauben vnnnd hertz / auff kainen
menschen / auff kainer wohn / noch auff kaim eüsserlich spre-
chen / oder vergenglich werck stellen / wie mir dan solliche
in heiliger schrifft überal wirt verbotten / Vnd es seind alle
menschen lügner / als der prophet vom natürlichen mens-
chen sagt / Allain den ainigen newen himlischen mensche
vnsern Herren vnd Gott Jesum Christum ausgenommen /
auff welchen vnnnd sein ewigs wort / alle andere menschen
allain trawen vnd bawen sollen / wie sy dann auß im auf-
newt in oben herabher müssen geboren werden / bey wel-
chem sy auch allain die ewige saligkeit durch den glauben
suchen sollen im himlischen wesen.

Wie möcht aber yemandts seines glaubens bey der cons-
ecration vergisset werden / weyl auch die leiplichen Prie-
ster selbs ains tails gotlos / todt / vnd vnglaublich seind / vnd
der Heri Christus mit solchen nichts will zuschaffen habē /
Dann was hat das liecht für gemeinschaft mit den fin-
sternussen? Wie stimet Christus mit Belial? 2. Corinth. 6.
Vnd Hebr. 7. stet geschubē / das vns ainen solchen hohen
Priester

Priester gezyme haben/ der hailig sey/ vnschuldig/ vnbes-
fleckt (welchs ist Christus der Herr) abgesehen von den
sündern/ vnd höher worden dan der himel ist. Darumb so
ists gewis/ das aufgedacht sprechen übers biot/ fürnäm-
lich aber auf der bösen vnglaubigē sprechen/ endlich nichts
götelichs kan volge/ Wie mögt jr güts reden so jr böß seind?
spricht der Herr. Vnd wie vormals/ Wer nit mit mir ist/ der
ist wider mich/ Vnd wer nit mit mir samlet/ der zerstreuet/
Luce 11. Ain böser baum kan nit gute frucht bringē/ Mat-
thai 7. So steht auch im gaislichen Recht geschriben/ daß
die Symoneier nit künden rechte Priester sein/ das sy nit be-
nediciern/ den Leib Christi weder empfahē noch reichen mö-
gen/ Dan wie kan der benedeyen/ der selbs vermaledeyt ist/
spricht Gregorius vnd Cyprianus 1. quest. cap. Quicung.

Deßhalben so ist es allweg sicherer vnnnd gewisser (ja es
ist die ainige gewissen schaffe) daß man im glauben auff dz
ewige/ vnwandelbar/ lebendig wort Gottes/ vnd auff sei-
nen rechten gaislichen verstandt (darinne der fürnämli-
chest aygentliche grundt ains Sacraments steht) hawe vñ
sich verlasse/ Sollichs bringet mehr gnad/ weder das man
auff etwas eüsserlichs/ oder auff menschen sprechen vnd
Consecration bey den Sacramenten den glauben gründen
vnd trawen solte.

Frag.

Ist das aber nit Gottes wort/ werck/ vnd be-
felch? weil der Herr spricht/ Das thut zu mei-
nem widergedächtnuß?

Antwort.

191

Zum ersten/ was Gottes wort belanget/ höre ich wol/
weil der diener der Kirchen spricht/ DAS ist mein laib/ ain
stuck vñ laren büchstabē Gotes worts/ den laß ich mir (one
den Gaislichen verstandt/ hertz/ gemüt/ willen vnd sin des
Heren)

Bloßer bäch
hab/ ist nicht
Gottes wort.

Herren) für Gottes ewigs wort/ vnd desselbigen Allmächtigen krafft/ dardurch himel vnd erden geschaffen / nit verkauffen/ Dañ die wort Gottes seind gaist vnd leben/ ja das wort ist Gott/ vnd das was Gott ist/ Johan. 1.8. Seytmal aber der arme mensch nit Got ist / noch das was Gott vermag/ so kan es ja nit so vil sein/ wenn ain mensch das ewiglich wort so in Buchstaben verfaßt/ über et was spricht/ als das Gott selbs im flaisch redet/ vnd sein innerlich götlich wort heüte noch selbs im hailigen gaist ausspricht/ wiewol es dem menschen obgedachte wort übers biot zespriechen nit ist befolhē/ Es ist solchs so fern kain ordnūg noch einsetzung Christi/ das es auch derselbigen stracks zu wider vnd entgegen/ Ober das/ das die wort vom Herin Christo selbs nicht übers biot/ noch mit dem biot/ Sonder zu den verstendigen Jüngern/ vñ in jr gleübige hertzen seind gesprochen wordē.

Warinn die
Allmächtige
kait Gottes
worts sit.

So steht auch die allmächtigkeit vñ das fürnemen Gottes worts (welchs nu ist flaisch worden/ vnd es ist Christus der Herre) nach der schöpfung/ mitt darinn/ das es im außem irdischen biot ainen leib mache/ oder sich mit dem materlichen brote ainigerlay weyse verainigen / oder aber das selbig in sich/ inn den leib der Klarhait/ verwandlen wölle/ sonder das es allain den verdoibnen menschen/ vnd das ainie sündige flaisch wider hole/ new geböre/ hailige/ vñ das selbig im entlich durch sein götliche krafft/ vermittels seines flaischs/ in Klarhait/ ehren/ vnd wesen anlich vnd gleichförmig mache im hailigen gaiste/ Rom. 8. Philip. 3. 1. Joan. 3. 2. Corin. 3. Darumb ist auch Christus mensch worden/ auff das er beim menschen/ vnd am mensche sein Almechtigkeit übe vnd erzaige/ Dañ des menschen sun ist kōmen zu liden vnd selig zumachen das verloren war/ spricht der Herre.

Luce 19.

Zum andern/ Gottes wercks halben im Nachtmal/ ist zwayerlay weyß züuernemen/ vnd wol zu vndercheiden/ wie dann anch zwayerlay wort vñnd werck bey des Herren Nachtmal

Nachmal (wa es recht gehalten wirt) zhsamen kompt/
ain innerlichs gaistlichs/ vnd eüsserlichs leiplichs/ Das in-
nerlich gaistlich gehört dem Herren Christo vnserm ewigen
hohen priester selbs zû/der redt selbs sein allmechtigs wort/
darinn er das ware himelbrot/ ja seinen leib vnd blût treget/
consecriert vnd austrait im hailigen gaiste/ Das eüsserlich
wort vnd werck gehört dem diener zû/ das er das brot brech
zû des Herren widergedächtnuß/ mit der Christlichen ge-
maind dancksage/ vnd des Herren tod ankündige/ durch
welchen Christus ain brot des ewigen lebens/ vnnnd vnser
speyß worden ist. Es erstreckt sich aber auch der kains das
hin/ daß damit der leib Christi inns brot/ oder das brot in
den verkärten leib Christi verwandelt/oder aber das Göt-
lich brot mit dem menschlichen brot möge vermengert/ ver-
einiget/ vnd überzaicht werden.

Was der leiplich Priester oder diener der Gemeinde bey
dem brotbreche thût/das thût yetz nit Christus/ob er es wol
etwan in der einsetzung dises Sacraments gethan hat/ Es
ist auch den glaubigen vnnnd vnglaubigen solch eüsserlich
werck gemaine/das es wol der Sathan selbs thûn künde/
Was aber yetz Christus beym rechten Nachmal thût/das
ist sein aigen innerlich werck (welchs er jm selbs zethûn im
hailigen gaist hat vorbehalte) Er hat es aber an kain eüs-
serlich ding gebunden / Es kan jm auch kain Priester/ vil
weniger der Sathan solchs nachthûn/ Er consecriert vnd
macht seinen leib nit inns brot/sonder allain in das hertz des
glaubigen menschen/welchs allain gaistlicher Götlicher
ding empfänglich/ vnd ain Tempel Gottes ist.

Darumb so ist es nichts/das man sich bey solcher vnord-
nung/oder vermischung Götlicher geheimnuß/mit den ir-
dischen vergenglichen creaturen/ oder mit den gestallten
der selbigen/seines Götlichen worts/wercks vnd befels/
oder der einsetzung Christi vil rümet/ Eben als wenig das
§ Götlich

Götelich werck vnd wort/ans menschlich sprechen/oder an
dise vnnnd ihene gemaind ist gebunden / oder darauff müßte
volgen. Dann wie auch Augustinus sagt/ Das wort wirt
nit darumb das es wirt gesprochen / vnder darumb das es
wirt geglaubt/ Dañ im wort ist etwas anders die verger
liche stim/ vnd etwas anders/ die bleibende krafft ic. Vnd
es steht auch in dem gaisstlichen Recht/ 1. quest. 1. cap. Detrahit.
Wa nun die bleibende krafft nit wirt empfunden/ da denck
im nur kainer/ das er das wort Gottes/ noch auch den leib
vnd blüt Christi empfangen vnd genossen hab/ er sag gleich
vom glauben was er wölle.

Dauch der glaub dē leib
Christi nit in
dē brot bring.
Es ist auch wol zu mercken / Das der glaub an im selbs
nichts von newem schafft / als ob es eben darumb also sein
müßte/ das es also wirt geglaubt. Exempel/ wenn ich et
was glaubte/ das nicht war were/ so wer ain solcher glaub
ain falscher won/gedicht vñ vnrecht/ Es bringet der glaub
(sprichlich) nichts ins wesen/ das nit zuuor ist/ Sonder wie
er Hebr. 11. der vnsichtbarlichen gaisstlichen dinger selbst
digkeit genant wirt/ So müß ye etwas zuuor im wesen sein
ehe dann es geglaubt vnd mit dem glauben wirt gefasset.
Darumb so kan auch der leib Christi weder durch den glau
ben/ noch durch nichts anders inns brot gebracht/ noch das
brod inn leib Christi gewandelt werden / Wa aber das brot
zuuor der leib Christi were/ vñ solchs mit hailiger schrifft ge
nugsam köndt bewisen werden/ wellichs aber vnmüglich/
alsdenn solt man es billich glauben. In summa/ Der ware
glaub/ süchet Christum yetzt mit dem Sursum corda im hyme
l bey dem vatter (nicht auferden/inn/oder mit den ver
genglichen creaturn) da (im himel) speißt/ neeret/ vnd se
tiget er sich mit seinem leib vnd blüt / zur vergebung der sün
den/ vnd zum ewigen leben.

Zu dem / so wirt es auß dem Euangelisten Marco gang
klar/ das die wort (welche man consecrationis nennet) vom
Herren

Herren seind geredt wordē/da die Jünger schon alle anssent
Belch getruncken hatten/Trincket alle darauß/spriech der
Herz im Mattheo/vnnd sy truncken alle darauß/Vnnd er
sprach zu in/DAS ist mein blüt/das da ist ains newen Tes-
taments/das für vil vergossen wirt/Mar. 14.

Die weil nun dem also ist/muß vnwidersprechlich volgen/
das der Prieſter kainē beſelch hab/den leib Chriſti ins brot/
oder das brot in leib Chriſti/noch auch den wein in sein blüt
zu conſecrieren/Sonder es ſollen diſe zwayerlay brot vnnd
trānck des Nachtmals/oder das götlich wort des lebens/
vñ das ſichtbarliche werck (wie vor allweg geſagt) gäiſtlich
gericht/vnd im Sacramēt ordenlich vnderſchaiden werdē.

Frag.

Was iſt dann das der Herz ſagt/ Das thut
zu meinem widergedächtnuß? Antwort.

20

Das legt ſich in den worten des Herren ſelber auß/ wie
ſy Paulus beſchreibt/ Das thut (ſpricht der Herz) ſo offt ir
trincket/zu meinem widergedächtnuß/ Vnd er will damit
nichts anders gemaint haben/dann das die Jünger zu ſei-
nem widergedächtnuß (nemlich der himliſchen gaben/erlö-
ſung.vnd ſpeiſung) das halten vñ thūn ſollen/was ſy vom
Herren im eüſſerlichen werck des brotbrechens geſehen ha-
ben/Sy ſollen mit ainander in der Chriſtliche Kirchen oder
verſammlung/des Herren brot brechen/das eſſen/in der war-
hait bedencken/wie inen Chriſtus zur ſpeiſſ wordē/vnd ſol-
len auf ainander als glider aines leibs in der liebe ſehen/in
dem Herren ſeins leidens/vnd der gäiſtlichen ſpeysung des
waren himelbrots (welchs er ſelber iſt) dabey lob vñ danck
ſagen/Danon auch der Prophet Dauid hat geſchriben/Es
werden die armseligen eſſen/vnd geſettiget werden/vnnd
werden den Herren loben/die in vor augen haben/ir herz
illleben in ewigk eit/Pſal. 21. Solchs/wie es vom Herren

§ ij beſolhen

befolgen/erklärt S. Paulus weytter 1. Corinth. 11. Dann
dasselbst laßt Paulus das gaistlich essen/ wie ers vom her-
ren empfangen/ für sich im glauben stehn/ teret sich zum
widergedechtnuß der tischgest halbe/von welchen er schre-
bet/sagt wie es damit soll zugehn/wie es soll gehalten oder
geordnet werden/vnd spricht/Daß so oft jr das brot essen/
vnd disen trancß trincken werden/solt jr den todt des her-
ren außkündigen/biß das er kompt.

Frag.

2).

So haltest du das brot des Altars/ für ain
gemain schlech biot? Antwort.

Das brot vnd kelch des Herrn Nachtmals halt ich hoch
vnd herlich/von wegen des gehaimnuß vnnnd gaistlichen
handels/ den es soll fürtragen/ vnnnd im gedechtnuß des
glaubens widerbringen/ Ich kan es auch/ von wegen der
fürbildung der verainigung des haupts Christi mit seinem
leib (der da ist die gemain) vñ der glider des leibs vnder sich
selbs in der liebe. für kain gemain beckenbiot halten/Daß
es hat solcher Sacramentlichen handlung halben ainem
grossen vnderscheid von anderem natürlichen gemainem
biot/wie der glaub wol weisß/Aber dennoch ist es mit Gott
es ist nit die göeliche kraft/noch der Herr oder sein Leib selbs.
Kürzlich/ich halts darfürs Paulus gehalten hat/nämlich
für ain biot vnd kelch des Herren / vnd der danck/sagung/
wie es auch also von den ältesten vättern/vñ Eucharistia
(ja auch etwo bey den verstendigen Christen / der Leib Chri-
sti) ist genesse worden/ Desßhalben ich dañ achte/ das solch
Sacrament inn der Christlichen kirchen mit vorberaitung
ains neuen lebens in Christo / in aller reuerenz vnd würde
empfangen vnd gehandelt werden soll.

Dañ dem halt vnd glaub ich gewislich/ Wenn die Christ-
glaub-

glaubigen mit warem verstandt/ hertz vnnnd glauben zum
Sacrament des Nachtmals gehn/ das es nach der einse-
zung Chusti recht würd gehalten/ vnd also das brot vnnnd
trancß des Herren gemessen/ daß sy den leib Chusti/ der da
ist das warhafftig himelbrot vnd sein blüt/ außsem lebendige
gen weit/ durch den glauben genossen vnd empfangen ha-
ben zum ewigen leben/ wa sy in Christo bleiben/ vnd Chris-
tus in jnen/ davon Johan. 6. Aber dannoch muß ich/ wie
anfänglich gesagt/ das gaistlich essen/ vnd das widerge-
dächtnuß desselbigen/ gebürlich wissen zū onderscheiden/
Auff das ich Gott dem himlischen vatter/ vnd seinem ge-
liebten Sun Christo vnserm Herren/ kein schmach oder vn-
ehr anthue/ auf das ich auch den Schöpffer mit seinem we-
sen/ vnd den leib des der da Gott ist/ nit der irdischen ver-
tlichen creatur gleich achte/ das ich in nicht damit ver-
wenge/ noch ainicherlay weyse verainige/ oder darauff
wesentlich empfahe/ vnd darinn hie vnnnd da anbetten
wölle.

Wie dann die heiden in anbettung Gottes/ in Bildern/
creaturen/ in Sonn vnd Mon. c. gethon/ Vnd wie die Ju- Erobl. 321
den derselbigen heidnischen weyse nach/ etwan in anbet- 1. Reg. 101
tung Gotes/ im guldinē Kalb/ auch in der ärinen Schlän-
gen (welche dannoch auß Gottes befelch war auffgerich-
tet) sich mit irem reüchwerck hart versündiget haben/ dar-
von 4. Reg. 17. vnd 28. Sonder ich muß Gott vnnnd seinen
Sun Christum (will ich anders recht faren) ainen Herren
im himlischen wesen/ über alle Creaturen/ vnnnd nun auß
wendig aller leiplichen stett vnnnd zeit/ sein vnd bleiben las-
sen/ der sich allain mit dem glaubigen flaysch verainiget/
dasselbigin die herligkeit Gottes auffnimpt/ zū den Rö-
mern am 15. speyset/ füllet/ vnd einwonet/ durch sich selbs
im heiligen gaiste.

I iij muß

Frag.

22

Du sagst/ du haltest das brot vnd tranck des Nachtmals da für es Paulus hellt / Nun muß er es ja für den wesentlichen leib vnd blüt des Heren halten/ weil er sagt/ das sich der vnwürdige daran verschuldet? Antwort.

Der hailig Paulus sagt nit/ wer vnwürdiglich isset/ der wirt schuldig an dem das er isset/ vil weniger haltet er das sichtbarlich brot für den leib Christi/ sonder also schreiben zu seiner Gemaind/ Welcher dieses brot wirt essen/ vnnnd disen tranck wirt trincken/ dem Heren vnwürdiglich/ der ist schuldig an dem leib vnd blüt des Heren.

Also lesen auch die vater den text.

Dann es volget nit/ ob man sich gleich am leib vnd blüt des Heren/ von wegen des vnwürdigen essen seines brots vnd Sacraments verschuldiget/ das darumb der leib vnd blüt Christi in dem brot vnnnd wein/ oder vnder der gestalt da leiplich sein müsse/ Eben als wenig als es volget/ das Gott inn der verbottenen speyse des paradeiß gewesen ist/ ob sich wol Adam vnd Eua von wegen des verbotts vnnnd vnzeytigen essens/ so wider Gottes ordnung vnnnd befehl geschah/ an Got darbey verschuldigten/ Vom Osterlamen Item von den Schawbroten des allten Testaments/ wie dergleichen zureden.

Tempel des Psan/ der die Arch angriffe. 2. Regum 6.

Sanct Paulus will aber/ das/ welcher vnwürdiglich zu des Heren Nachtmal geht/ vñ dabey seines sichtbarlichen Sacraments gebrauchet on den Heren/ oder mit vnwillen vnd vngnad des Heren/ so er nämlich weder das mal oder die speiß/ noch den Wirt diser edlen wirtschafft recht kenne/ Vnd welcher an seinem leib vnnnd blüt kein ware gemaindschafft hat/ der noch nicht ain new vnstreflich leben in Christo angefangen/ vnnnd ain güt sicher gewissen hat/ der yßet das

Wß der prob beim Nachtmal.

Wer des Kalfers gleichen schmecket/ der wirt schuldig.

das brot des Heren vergeblich / vnd mit schaden. Ain sollt
 ther / sprich ich / der inns Heren wirtschafft / on ain hochzeit
 flaid ingeht / glaubt nit in der warhait / das er vom flaisch
 vnd blüt Christi lebe / das er in Christo sey / vnd das Christus
 widerumb in im bleibe / wircke vnnnd wone / der wirt schu-
 dig am leib vnd blüt des Heren / vmb welches willen das
 sichtbarlich Sacrament ist eingefetzt worden / Er yffet in
 selber das gericht / wirt sträflich vnd büßfellig / Dan er vn-
 derscheidet noch kennet nit recht den leib des Heren / sihet
 im grund seines hertzens weder auff sich selbs / noch auff
 den Heren vnd König diser edlen wirtschafft / damit so er
 das ganz gehaimnuß der menschwerdung / erlösung vnnnd
 Nachtmals Christi im hailigen gaiste nit versteht / auch der
 mitglieder aller Christlichen brüder / in der liebe vnd ainig-
 keit des gaists wenig warnimpt / In Summa / der noch
 nye mit ernst ain rechter Jünger Christi / ain recht glid sei-
 nes leibs / oder ain rechter Tischgast des Heren tischs wor-
 den ist / der gehört nicht zum Sacrament des Nachtmals.
 Deshalbten auch Paulus die proba daselbst nit vergebens
 einschleüßt / daß sy nämlich ymmer soll voran gehn / da er
 spricht / Es brüße sich aber der mensch selbs / vnnnd also esse
 er von disem brot / vnd trincke von disem tranck.

Don disen
 proba steht 2.
 Corinth. 13.

Darumb wenn man das Nachtmal Christi recht halten
 soll / so muß das gehaimnuß der verainigung des hauptes /
 nämlich Christi mit den glidern seines leibs (welcher ist die
 gemaind) vnd der ganz handel der wolthat / gnaden / vnd
 speysung Christi im glauben recht erkannt / verändert vnd
 wider bedacht werde / der dort auch mit den Jüngern durch
 Christum ist eingefetzt vnd gehandelt worden.

Es kompt Christus im hailigē gaiste / thut das gaistlich
 in den glaubigen hertzen / durch die krafft seines lebendigen
 almechtigen worts / was etwan das brotbrechen hat ange-
 zaigt / gibe sich zur speiß / haist vns essen vō dem verboignē
 Manna

Manna oder himelbrot/vnd haist vns mit im das Tack-
mal halten/ Da volget dann lob vnnnd dancksagung/das
man hinfüro nit im alten sauretaig der bosheit vnnnd sün-
den/sonder im newen leben der lauterkeit/ainigkait/vnnnd
warhait ymmer bestendiger einher wandlet/ durch vnsern
herren Jesum Christum.

Frag.

231

Hat doch Judas den leib des Herren sampt
den Jüngern im Nachtmal gessen/sich dar-
an verschuldiget/vnd im das gericht gessene

Antwort.

Judas hat eben das gessen/was die andern Jünger eß-
ferlich im Nachtmal mit dem munde gessen habē/aber nit
innerlich mit der Seele/Das sichtbarliche Sacrament hat
er zwar empfangen/wie außem Luca leicht ist zu vernemen
nit aber den leib vnd das blut Jesu Christi/welches Augus-
tinus über den Johannem/Traß. 59. also klar vnderscheidet/
das auch ain yeder darauff die zwaiерlay brot des gans-
zen Sacraments/vnd wie ains nit das ander/oder im and-
ern ist/nach mit dem andern überreicht wirdt/leicht kan
vernemen. Die Jünger (sprichter) haben gessen das brot/
den Herren selbs/Judas aber hat geessen das brot des Her-
ren wider den Herren: Ihene haben geessen zum leben (dan
der leib Christi ist das leben/vnnnd welcher in isset/hat das
ewig leben) Diser aber hat geessen zur straff/Also vnder-
scheidet Augustinus/Ob er dan gleich sunst etwo das brot
den leib Christi nennet/ so sihet man doch auß disem vnnnd
anderem (was er über das 6. cap. Johannis geschriben
da er auch vnderscheidlich vom Sacrament vnnnd von der
krafft des Sacraments redet) wie er es hab gemaint/vnd
was er für ain gäistlich vithail darbey gehalten hat/Das
haist

haſſe daß auch das brot des Heren zum gericht eſſen / wie
 Paulus ſchreibet / vñnd wie es Judas geſſen hat / Der leib
 Chriſti aber / weñ der geſſen wirt / wie er ain lebendigma-
 chender leib mit dem wort vnzerrenlich verainiget iſt / ſo
 bringet er allweg mit jm ſein krafft / natur vñd eigenschaſt /
 gibt dem / der in iſſet / das ewig leben / Wer mein fleiſch iſſet /
 vñnd mein blüt trincket / ſpricht der Heri / der hat das ewig
 leben. Vñnd es ſpricht auch Ambroſ. Der leib Chriſti iſt nit
 das brot das da geht inn leib / ſonder das brot des ewigen
 lebens / welchs das weſen vnſerer ſeelen ſtützet / De conſecrat.
 diſt. 2. cap. Non iſt.

Darauß abermal klärlich volgt / daß weder Judas noch
 ainicher menſch den leib Chriſti in warhait eſſen möge / er
 hab dann ainen waren glauben / wie auch Auguſtin. ſagt /
 Was berateſt du zñ vñd bauch / glaub / ſo haſt du geſſen.
 Dann in in (nemlich in Chriſtum) glauben / das iſt das brot
 vñd wein nieſſen / der in in glaubt / der yſſet in / de conſe. diſt. 2.
 cap. vt quid paras. Seytenmal aber der Judas nicht allain nit
 glaubte / ſonder auch vom Sathan ganz vñ gar was beſeſ-
 ſen / dauon Joan. 6. vñd 13. ſo iſts ja gewiß / das er als ain
 glied des Sathans mit dem herlichen leib vñd blüt Chriſti /
 wie die andern glaubigen Jünger / nit hat können geſpeiſt
 werden / Iſt er nit damit geſpeiſt / vñd hat doch das ſicht-
 barlich Sacrament neben andern empfangen / So müß
 zwar der leib Chriſti nit weſentlich im ſichtbarlichen Sa-
 crament oder in dem brot des Heren ſein / vñnd kan auch
 nit darmit überaicht werden / oder aber vnſer Heri Chri-
 ſtus müſte nit der ware lebendige Chriſtus vñnd das ewig
 himelbrot ſein / Das er aber nun vñnd in ewigkait iſt / vñd
 bleibt / in der glori ſeines allmechtigen Vatters im himeli-
 ſchen weſen.

Daß das eſ-
 ſen des leibs
 Chriſti nit im
 ſichtbarlichen
 brauch des sa-
 craments ſtee
 ſonder im wa-
 ren glauben /
 ſpricht Augu-
 ſtinus.

Diß ſtuck von Judas (dauon auch anderſt wo weytlenf-

G finger

figer geschubben) sollen alle gotsföchtige menschen wol bedencken / Dann es wirdt sy beim verstandt / bey dem rechten glauben / vnnnd bey der vnderscheidung dieses herlichen geheimnuß nicht wenig fürdern / Desgleichen auch inn irem gewissen trösten / vnd bey der warhait starck versichern können / so sy nämlich wissen / das Judas im Nachtmal nur das sichtbarlich Sacrament / vnd das biot des Herren / nit aber den leib vnnnd blüt Christi hab empfangen / noch auch ainigerlay weiß empfangen mögen / wie es dann das wäreckantnuß Christi (der da ist das ewig leben) vnd die Anologia oder änlichkeit ynseres Christlichen glaubens gnugsam außweist.

Der listige Sathan / als der tausentkünstige / sihet wol was im daran gelegen / das er seine irige vermengung / abgötterey / vnd erdichte verainigung Christi vnd der gnaden mit den Elementen (welcher er sich allwegen bey den geistlichen handeln / zur schmach Christi / hatt beflissen) nun krefftig mög erhalten / Derhalben wolt er es geren durch sein ansechtung bey vilen dahin bringen / das man glaube / Es werde der ware leib vnd blüt Christi / inn / oder mit dem leiplichen Biot vnnnd weine in des Herren Nachtmal überreichet / vnd so gewiß / das wer das biot yßet / greiffet / sihet / auch den leib Christi eß / greiffe / sehe / Vnd alles was dem biot geschehe ic. Auch dem leib Christi / von wegen ainer Sacramentlichen ainigkeit (die er wider die ehr Christi vnd wider alle schrifft hiebey erdencket) recht vnd wol mög zugeaignet werden.

Die weil im aber Judas am weg ligt / vnd solch sein fürgeben zu schanden macht / So vnderstehet er sich nun auch die leist zu überleben / man soll sich nit bekümmern oder disputieren was der vnglaubige Judas (der doch auch ain Junger des Herren war) hab genommen / Sonderlich wol
der

der Sacramentlich handel nur für die gleichbige/ vnd nit für die ungleichbigen ist eingesetzt worden.

Solchs ist aber eben der rechten griff vñ list ainer/ damit die einfaltigen hertzen von Christo Jesu im himel/ vnd von der offenbarten erkanten warhait/ abgeführt vnd betrogen werden. Wa auch der Sathan das vnd das ander erhieltet/ so wurd er bald widerumb ain newe blindhait beym liecht des glaubens vñ Euangelii einfürn/ Er wurd ainen neuen Ablass bey den Creaturn wider den erhöchten Christum im himel aufrichten/ vnd sunst zu viler Abgötterey oder mißbrauch beim Sacrament den weg beraiten vñ vrsach geben.

Aber so bald man bedencket/ versteet/ vñ waist/ was Iudas hat genömen/ vnd das im der leib vnd blüt Christi weser mit dem brot/ in/ oder on das brot/ kains wegs ist überreichet worden/ So kan man das ander leicht richten/ vnd den greyllichen irthumb bald erkennen/ Man gibe dann Christo sein ehr/ vnd sibet ganz klärllich/ das zwischen dem verrucklichen brote vnd dem herlichen verklärten leib Christi/ kaine/ weder natürliche noch Sacramentliche ainigkeit sein kan/ sunst het in Iudas/ der vom Sathan besessen war/ von wegen solcher ainigkeit/ eben als wol als das brot niesen vnd empfangen müssen/ Man wirt den auch sehen/ das es lauter menschē gedicht/ Wider den waren glauben/ Wider die natur Gotes worts/ Wider die herlichkeiten Christi/ Vnd in summa/ wider alle schrifft ist/ den leib Christi also im brot/ ob wir dem brot überreichen wollen/ welchen auch niemands also empfahe/ nach diser weyse danon kan satt vnd mit gaistlicher gnaden erfüllt werden. Sollichs wirdt ain yeder frummer mensch/ der sich nur nicht last überreden/ durch die erfahrung des glaubens selbs prüfen inn seinem gewissen vnd hertzen/ ob er nämlich nach solchem verstand vñ brauch des Sacraments in Christo bleibe/ vnd ob.

Christus in jm bleibe/ in jm lebe/ in jm wücke vnd wandle.
le. Das ist die ainige proba/ davon der Herr Johan. 6. vnd
auch Augustinus über dasselbige Capitel meldet. Wie aber
der leib vnd blüt Christi warhaftig werde empfangen vnd
wo man die speyß soll süchen/ wie man sy auch wol so weit
vom sichtbarlichen biot als den himel von der erden vnters
schaiden soll/ ist nun zu mehmalen gesagt/ vnd es soll/ ob
Gott will/ noch oft gesagt werden.

Also leeret dich auch Judas/ das gedachter verstande
vnnnd außlegung der wort des Nachemals Christi von sei-
nem leib vnnnd blüt/ so bald das sichtbarlich biot mit wirt
eingeschlossen/ vnrecht vnd falsch ist/ vnnnd es würde dar-
durch der recht sin/ hertz vnd mainung Christi gantz auff-
gehoben/ welchs wort nicht menschen/ oder des flaisches
wort sein/ daß sy auffß biot solten weysen/ wenn Christus
von dem feinen redet/ Sonder es seind Gottes wort/ wort
der verhauffung des Gaists vnnnd lebens wort/ dieselb selbs
ain speiß vnd biot/ aber ain gaistliche speyse vnd hymliche
biot in sich schliessen/ vnd dem glaubigen in Gott verstein-
digen hertzen mitbringen/ Wie auch der gaist vnd das ewig
geleben kaines wegs inn dem sichtbarlichen biot/ vnderm
biot/ oder mit dem biot vn wein wirt überaicht/ Also auch
nicht der leib Jesu Christi.

Das sey vom Judas zum Exempel angezaigt/ welcher
ober wol das sichtbarliche biot vnd wein des Herrn Nach-
mals zugleich mit den anderen Jüngern hat genommen/
das er doch den theuren leib vnd das kostbarliche blüt Jesu
Christi nicht mit jnen zugleich empfangen hat/ wie inn an-
nem büchlin vormals genügsam ist beweiset worden/ Dar-
auß wir dann auch gewiß künden abnemen/ daß das biot/
welches der Herr selbs ist vnd gibe/ nicht irdisch sey/ das es
auch weder in/ vnter/ oder mit dem biot des Herren (wel-
ches

des Chriftum vnd feinen gaiftlichen handel den gläubigen
(fürbilder) kaines weges überlaicht/sonder wie die warheit
vom bilde recht soll vnderfcheiden werden.

Frag.

Was mainet dann Paulus/ daer sagt/ i.
Corinth. x. Das brot das wir brechen/ Ist
das nit die gemainschafft des leibs Chrifti?

Antwort.

Diser spruch/wiewol er schwer ist/ so kan er doch auß dem
das nun gesagt/vermittels Götlicher gnaden/etwas leicht-
er verstanden werden/Dannes redet Sanct Paulus dara-
durch auff sonderliche weyse/ mit seiner Chriftlichen ge-
meinde vom ganzen Sacrament oder Nachtmal/ vom
sichtbarlichen brot vnd trancß des Herren/ vnnnd vom vn-
sichtbarlichen geheimnuß des leibs vnd blüts Chrifti/wie
die zway gegen ainander gesetzt/ vnd in ainem Götlichen
handel (vnderfchidlich) zůsamen kommen. Will dardurch
die Chriften von den Gözen opffern/ von mysterien der
heyden/ vnd derselbigen Abgötterey gezogen haben. Er
bedinget sich aber zůvor/das er mit jnen als mit den (gaist)
verstendigen rede/ vnd als mit denen / so der Sacramen-
tlichen handel bericht waren / befilhet/ das sy solch seine re-
de/ (dermassen wie sich gebüret) richten. Wie sy aber nach
art der Sacramenten gerichte/ wie yedes tail auff seinen ort
soll gesetzt/ gaistlich vnderfcheiden vnnnd verstanden wer-
den/ist zůvor angezeigt worden.

Darumb ist es nit Sanct Pauls mainung/ das eben das
sichtbarlich gebrochne Brot der wesendtlich verklarte lab
Chrifti sey/vnd der Belch/darüber die Chriften/von wegen

G. iij. der.

Gemain-
schafft der
hailigen.
Eph. 5:

Unser brot.

Warinn
Christliche
ayngelt
sche.

der aufgießung des bluts Christi/benedeyen oder dancksa-
gen/eben das wesentlich blut Christi sey. Der Text bringet
auch solliches nit mit/ sonder es will Paulus als ain haup-
halter der geheimnuß Gottes / durch das eüsserlich bild/
gleichnuß / oder gestalte (wie mans hayßet) des brot-
brechens/aufschaylens/nemens vnd essens/die gemaine Got-
tes ermanet/vnd im glauben übersch zum erkandnuß der
Göttlichen warhait dises geheimnuß geweyset haben/
nämlich/ das ain ware gemeinschafft sey aller Christglau-
bigen am leyb vnd blut Jesu Christi/ welche gemeinschafft
auch von wegen des geheimnuß nit leiplich noch eüsserlich/
sonder allain gaistlich/innerlich/ ewig/ vnnnd bestendig ist
vnnnd bleibt. Desßhalben sy auch nit im brotbrechen / noch
im brauch yrgende ainer verucklichen creatur steht (Ja
eben als wenig die ware Christliche ainigt ait/ vñ das ewig
leben/so sich darauß gebüret/darinn stehn kan) Sonder sy
steht allain im essen der gaistlichen speiß/im gaist des glau-
bens/vnd in Christo dem Herren selbs. Ist aller dero / für
welche sein leib gebrochen/ 1. Corinth. 11. die im durch den
waren glauben eingeleibt/ sein gerechtigkeit erlangen/die
auß seinem fleisch vnnnd auß seinen gebainen als glider sei-
nes leibs / auffß new von oben herab durch den hailigen
Gaist geboren/auß im gespeysset vnd erhalten werden. Wie
dann auch Paulus alsbald daranff weyter von disem ge-
heimnuß redet/da er spricht/ Dann wir vil seind ain brot/
ain leib/dieweil wir alle von ainem brot thail nemen. Vnd
das ist auch das überwesentlich brot/ das gebrochen wirdt
für die Kinder Gottes / darumb sy iren himlischen Vatter
täglich sollen bitten/ *Pancm nostrum, top εννοεισιν.*
Das brechen vnd aufschailen des eüsserlichen leiplichen
brots/machet die menschen nit ains/ Es kan sy vor Gott
nit ain brot vnd ainen leib machen. Aber das gaistlich Göt-
lich

lich brechen vnd außteilen des lebendigen hymelbrots thut
solchs durch Christum Jesum im hailigen gaist / Darumb
so ist auch vom Paulo nicht vergebens dabey die frage vom
geheimnuß inns mittel diser red gestellt worden.

Von gedachter gemeinschafft vnnnd ainigkeit schreybet
paulus bald hernach weyter / da er ain vergleichliche ge-
gensatzung macht der leiplichen ainigkeit der glieder des
natürlichen leibs des menschen inn vnderscheidnen leip-
lichen ämptern / vnnnd der gaistlichen ainigkeit der glieder
des gaistlichen leibs Christi / auch in iren gaistlichen vnters-
scheidnen ämptern vnd glauben / spricht er darauff also /
Dann wir seind in ainem gaiste all inn ainen leib getaufft /
wir seyend Juden oder Zaiden / knecht oder freyen / vnnnd
seind all in ainem gaiste getrenckt. Vnnnd aber / zum Rö-
mern am 12. Cap. schleüßt er disen handel / vnnnd spricht /
Also seind wir vil ain leib (aber) in Christo. Kürzlich / Es Bücher in
ist eben sowil geredt / als Acto. 4. Der menge der glaubigen Christo.
war ain hertz vnd ain seel.

Vnd das ist nun in Summa die rechte Christliche Kirch / Christliche
Kirch.
die brüderliche ainigkeit vnnnd ware lieb in Christo / welche
sich auch allain gebüret / vnd kompt auß der gaistlichen ge-
mainschafft vnnnd krefftigen einwirkung des leibs vnnnd
bluts / vn aller himlischen gnade vnsern Herren Jesu Chri-
sti im hailigen gaiste / Dannes redet S. pauls an bemelten
orten eben als wol als allhie nur mit den rechtgeschaffnen
Christen / Vnnnd er redet von der Christlichen Kirchen / ge-
mainschafft der hailigen / vnd vom gaistlichen handel / wie
er vor Gott steht / vnd an jm selbs war ist / welchs die bösen
vnd vnglaubigen in der Kirchen gar nichts angeht / ja eben
als wenig als da er spricht / Ir seyt allzumal kinder des
lichts / 1. Thessal. 5. Vnd zum Ephes. am 5. Ir warend
weyland finsternuß / nun aber seyt jr ain licht inn Herren.
Allain

Alain dero die solche in der warheit seind / die inn Christo
ain brot vnd ain leib seind / ist die gemeinschaft des leibs
vnd blüts Christi / Darumb so müß die rede Pauli eben als
wol als der leib des Herren vnd sein gemeinschaft / wie ges
höret / gaistlich vndercheiden / vnd yedelich eil des Sacra
ments auff sein ort gesetzt werden / Sunst wurde auff den
fleischlichen verstand diß Spruchs / so das leiplich brotbr
chen mit der gaistlichen gemeinschaft wirdt vermengt / ge
richts volgen / das Judas / alle Gottlosen / alle vnglaubi
gen / so bald sy des Sacraments brauchen / eben als wol
als die frommen / gotsfürchtigen vnd glaubigen / vor Gott
ain leib / ain gaist / vnd ain liecht / ja alle kinder Gottes / wie
Sant Paulus zu den Galatern am dritten capitel anzeigt /
zügliche sein müßten / wellichs aber nit ist / wie es auch inn
ewigkeit nit sein kan.

Die eüßerliche Kirch / Gemeinschaft / Wort / Sacra
ment / dienst / vnd Christliche ordnung / sollen nichts desto
minder beim ampt des hailigen Gaists auch auff frem ort
stehn bleiben / aber Christo Jesu soll die vndercheidung vñ
alle göeliche ehr gegeben werden ic.

Sollicher verstand des spruchs Pauli von der gaistlichen
gemeinschaft des leibs vnd blüts Christi / vnd das die soll
vom leiplichen brotbrechen vndercheiden werden / beweißt
sich sunst allenehalben / vnd daselbst durchs ganz Capitel /
sonderlich aber auß dem figürlichen Exempel / das von
Israel nach dem fleisch volgt / da Paulus also spricht / Se
het an den Israel nach dem fleisch / Seind aber nit die / so
die opffer essen / gemainer des Altars ? Das ist die figur ge
wesen / welche in Christo Jesu reichlich ist erfüllet worden.
Dann zu gleicher weiß wie im alten Testament beim figür
lichen Israel alle die ihenigen / die das opffer assen / gemai
ner des figürlichen Altars gewesen seind / Also yent in der
erfüllung

erfüllung des neuen Testaments beim geistlichen Israel/
seind alle die gemainer in Christo / die da essen das ware lebendige opffer vom rechten ainigen Altar Gottes / das ist von vnserm Herren Jesu Christo selbs / Sy werden durch in / vnd in im ain Brot / ain Ruch / vnd ain leib / sy bleibent in Christo / vnd Christus bleibt widerumb in jnen / Joan. 6.
Summa / Es ist alles vnd inn allen Christus / welcher vns auch zum gnadenthron / vnnnd lebendigen Altar von Gott dem himlischen vatter ist gegeben vnd fürgestellt / Daran aber die / so dem Tabernackel dienen (das seind alle / so noch draussen / so mit Judas vnglaubig seind / so inn eüsserliche Element oder in die sichtbarlichen Sacrament vnd werck ir vertrauen setzen / Solliche alle / sprich ich / können am geistlichen Christo) kein ware gemeinschaft haben.

So vil hab ich des bekandnuß meines glaubens vnnnd verstandt im articel vom Sacrament des leibs vnd blüts Christi / wie mirs der Herr in mein hertz vnnnd gewissen gesetzt / im zu lob vnd ehren / in der Summa wöllen aufzeichnen / Das diß Sacrament / nämlich / wa es in rechter weiß / brauch vnd warhait / nach der einsetzung Christi wurd gehalten / ain hohes hailigs gehaimnuß ist / in welchem Christus (warhafftig) wirdt genossen / darbey die gedächtnuß vnd wolthat seines leydens wirdt geäfert /
darin das hertz der Christglaubigen mit götlicher gnaden erfüllet / vnd das pfand der zukünfftigen herlichkeit geben wirt / wie dann die Christlich Kirch wol vnd recht gesungen hatt /
Alleluia.

Summa in die sechs Schluß- reden verfasst.

I
Summa des
Christlichen
glaubens von
Christo.
Das der Herr Christus der aingeborne ewige Sun Got-
tes / warhafftig ist mensch worden / warhafftig für vns hat
gelitten / ge creüziget / gestorben / vnd begraben / ist nyders
gestigen zu den hellen / vnd am dritten tag wider auferstan-
den von den todten / Er ist zu hymel aufgestigen / vnd zur
rechten des vaters gesessen / auf das er alles erfülle . Er hat
vom vatter empfangen die verhaiffung des hailigen gaists /
welcher durch in über alles glaubige flaisch wirdt aufges-
gossen / das auch seiner zükunfft vom hymel wartet / wenn
er kommen wirdt zürücker die lebendigen vnd die todten /
Act. 2. Ephe. 4. Coloss. 3. Hebr. 10.

II
Augustinus.
Das der Herr Christus auch heist ain waren leib / flaisch /
vnd blüt hab / aber nit mehr dises sterblichen / leidlichen / vn-
volkommen / jrdischen wesens / sonder des newen / verkläre-
ten / vollkommen / gaislichen / gantz himlischen wesens /
(1. Corint. 15. Philip. 3. Hebr. 2. 5.) welcher leib / flaisch vnd
blüt / ain ware speyß / tranck / vnd narung / ain wares brot
ist der kinder Gottes / vmd aller außersölten menschen /
Johan. 6. Lu. 22. Matth. 14.

III
Ambrosius.
Das der leib vmd blüt Christi nit ain leipliche vergenge-
liche speyß vnd tranck / nit ain jrdisch brot vnd wein / sons-
der ain gaisliche / ewige speyß vnd tranck / ain hymlisch /
göttlichs brot sey / das da mög speysen vnd neeren die glau-
bige seel / Johan. 6.

IIII
Pilarius.
Das der war leib vnd blüt Christi im gehaimnuß des Sa-
craments / oder im Nachtmal des Herren gegenwertig sey /
vnd

vnd das jnen die Chriſten nit allain als im zeichen / ſonder
in der warhait eſſen vnd trincken / außem lebendigen wort
Gottes / durch ainen waren glauben / Math. 28. Johan. 6.
wie dann ſolliches die lebendigen wort des Herren Chriſti
in ſeinem Nachtmal klärlich mitbringen.

Das der Herz Chriſtus als ain ewiger hoher Prieſter / in V
ſeinem Nachtmal / ſitzend zur rechten Gottes / ſeinen Leib Hieronymus
vnd blüt allen glaubigen ſelbs consecriert / ſelbs gibt vnnnd
aufheilt im heiligen gaiste / welchs er dan zuuor Joan. 6.
dermaſſen hat verſprochen vnd zugeſagt.

Das der Leib Chriſti nit weſentlich im Brod des Altars / VI
noch vnder der geſtalt des Brots leiplich ſey / ſonder das Gregorius
vnter der gleichnuß / geſtalt / oder eigenschafft des brots /
den glaubigen / der Leib Chriſti / vnd diſes ganz gehaimnuß /
zum widergedächtnuß des Herren wirdt fürgetragen / vnd
anzeigt / wie ſy gäſſlich im glauben damit geſpeyßt / vnnnd
(im weſen das ſy auß Gott haben) geneeret / vnd erhalten
werden zum ewigen leben.

Gnad ſey mit allen / die da lieben vnſern Herren
Jeſum Chriſtum in der vnuerwüchlichkeit Amen.

Wer hiebey etwas weyter erklärung be-
geret / der wirdt in den vorigen
zwayen Apologien finden.

Hernach volget ain kurzer be-
richt / zur vnderſcheidung
des 3. Sacraments.

3 5

THE [illegible] OF [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

[illegible] [illegible] [illegible]
[illegible] [illegible] [illegible]
[illegible] [illegible] [illegible]
[illegible] [illegible] [illegible]

Ein kurze anwenßung zum rechten verstandt/vnd zur vnderſchaidung des hailigen Sacraments.

Dum ganken Sacrament gehören zway ding/
ain Irdisch vnd ain Himliſch/ ain Leiblichs vnn
ain Geiſtlichs: Aines/ das man ſihet mit den au
gen/ Das ander/ das man ſchawet mit dem glauben: Ain
empfindlichs/ das die eüßeren ſinnen faſſen/ Vnd ain ver
ſendlichs/ das von dem Chriſtgleübigen gemüt vernoma
men wirt. Es gehört darzü ain zaichen/ vnd ain bezaich
nets/ Ain figur/ vnn figurirts/ Ain ſichtbarlich Sacra
ment/ vnd die krafft des Sacraments/ Ain bildnuß/ vnd
die warhait.

Da iſt dann alles daran gelegen/ das man die zway inn
ainem Götlichen handel recht künde vnderſchaiden/ das
man yedes in ſeiner ordnung erkenne/ wol richte/ vnd rechte
wiſſe zuſuchen/ Dann es iſt nicht ains das ander/ noch in/
oder vnter dem andern/ Da iſt kein ware ainigkait/ ja eben
als wenig/ als zwüſchen Gott vnn der allten Creatur/
Als zwüſchen dem Götlichen leben/ vnn den Elementen
diſer welt/ Sonder es iſt da ain gegenſatzung zwayer din
ger/ da ains auffſ ander weyſet/ da ains durchs ander ge
lernet/ im glauben erinnert/ vnn verſtanden wirt. Dar
umb ſo kan aines weder mit dem andern/ oder durch das
ander kaines wegs (ja vil weniger weder der Cörper durch
den ſchatten) übergeben/ geraicht/ noch empfangen wer
den.

Das geiſt
lich vntail.

z in den.

den. Das irdisch sichtbarlich weyset auff's himlisch vn-
sichtbarlich / also / daß das erst das ander / in seiner gleich-
lichen aygenschafft dennoch kaum als in ainem bildnuß
abmale / Wie möcht sunst das irdisch vergenglich brot
mit dem verklärten herlichei leib Christi ain ding sein? oder
auch ymmer one schaden vnd verletzung der ehren Christi
nur verainiget werden?

In Summa / Es ist ain wunderbarlichs geheimnuß vn-
das Sacrament / welches allain des glaubens erkandnuß
kan begreifen / als auch Chrysostomus vnd andere davon
schreiben / da ain thail im himel ist / der ander aber auff er-
den / wie dan des glaubigen menschen hertz / das im Tack-
mal das ware himelbrot empfangen soll / sich übersich ins
himel erschwinger / ja es ist schon im himel da sein schaz
ist / Matth. 6. (Mit Christo seind wir aufferweckt / vnd
mit im gesetzt in das himelische wesen / spricht Paulus) Der
leiplich mund aber / so das sichtbarlich Sacrament empfan-
get / ist auff erden. Da bedencf man nun wie ferz dise zwey
vnderscheiden / vnd wie weyt sy in irer substanz / natur vn-
wesen von ainander sein müssen.

Solchen handel mag kein Exempel noch irdische gleich-
nuß ganz eriaichen / Es mag dises geheimnuß auch sunst
durch die vernunfft kainerlay weyse recht verstanden wer-
den / Wie die allten Leerer sagen / Das Gott vnnsere ding
kains wegs seyen züuergleichen / Vnd es hat bey dem Christ-
lichen glauben alle irung eingefürt / das man gaisstliche
händel des reichs Christi nit gaisstlich hat künden richten /
Sonder sy allenthalben den irdischen Exempeln dises we-
sens hat wollen gleich achten / Da wider Esaie 55. geschri-
ben steht / Ewere wege seind nicht meine wege / spricht der
herr / Sonder so vil der himel höher ist dann die erden / so
seind auch meine wege höher dann ewere wege / vnd meine
gedancken

Exempla po-
nimus / non
vita sunt.

gedancken dann ewre gedancken. Wie auch Paulus sagt/
Das ain natürlicher mensch nichts versteht der dinger/ die
des gaists Gottes seind/vil weniger mögen natürliche din-
ger dieselbigen in sich fassen/oder in der gleichnuß volköm-
lich vnnnd aller massen ausdrucken/ Aber allain der ware ^{Mysterium}
glaub verstehts/ darumbes auch ^{fidel.} *mysterium fidei*, das ist ain
geheimnuß des glaubens ist genendt worden/ Allain der
glaub erkennt/sihet/ vnnnd fasset die geheimnuß des reichs
Gottes/Dann/ wie gesagt/es muß alles gaistlich gerich-
tet sein/ was zum Reich Christi wesendelich soll gehören/
Paulus in der ersten zun Corinth. am 2. cap. Es muß (auch
bey allen dienstbärliche händeln des newen Testaments)
alles im himmel mit dem *sursum corda* gesucht werden/ was
der Seelen zur gaistlichen speiß/ narung/vnd leben soll ge-
büren. Seyt jr nun mit Christo aufferstandenen/spricht Pau-
lus/so suchet was droben ist/da Christus ist/sitzend zu der
rechten Gotes/Seyt des gesinnet was droben ist/nicht des
das auff erden ist/Dann jr seyt gestorben/vnnnd ewer leben
ist verborgen mit Christo in Gott/Colos. 3.

Darumb so mag auch der ware glaub kein wandlung/
kein einbüßung/ ja kein ainigkeit zwischen Christo/ sei-
nem leib vnd blut/ vnd zwischen den Elementen oder ver-
rücklichen creaturen dises wesens zulassen/ man nenne sy
gleich wie man wölle/Dann allain mit dem menschen/ als
lain mit dem flaische sollte sich Gott durch sein wort Chris-
tum warhafftig/ wesentlich/vnd Sacramentlich/das ist
im geheimnuß/verainigen/ nicht mit andern vnvernünff-
tigen creaturen/Sollichs weist der glaube/ es erfert vnnnd
empfinde der glaube/Das es im auch ain grewel ist/wenn
man sagt/das das brot vnd der leib Christi im Sacrament
ain ding werde/ Er waiset wa vñ was nu Christus ist/was
auch seiner ehe vnd herligkeit züsendig ist/dann er kompt
von dem

Gewissen-
schaft des
glaubens.

von dem Hailigen Gaiſte/ der Chriſtum preyet/ chret vnd
glorificiert/ Johannis am 16. Cap. Er waiſt wie Chri-
ſtus die himliſchen gütter/ ſeiner Gemeinde ſelbs auſſpen-
det/ Vnnd leeret wie man ſy (auch bey dem brauch des Sa-
craments) ſoll ſuchen.

Der ware glaub/ ſpricht ich/ ſucht nit die himliſchen ewi-
gen gütter bey den Elementen/ oder bey der verurtheilichen
Creatur/ inn/ mitt/ oder vnter der Creatur diſes weſens/
wie menſchliche vernunfft thät/ weyl er auß Götlicher of-
fenbarung vnnnd mit der Hailigen ſchriſt zeügnuß wol
waiſt/ das er ſy da warhafftig nit findet/ vnnnd das ſollich
fürgeben nur eytel bildnuß/ eytel wohn vnd menſchlicher
vernunfft gedicht ſein/ damit die einfaltigen von Chriſto
im himel/ von ſeinem lebendigen wort vnd der einwürcken-
den gnaden im hertzen/ abgezogen/ vnnnd auff eüſſeliche
dinge die ſeligkait außwendig jnen inn den Elementen/
oder durch die instrumente hie vnnnd da zuſuchen/ gewiſen/

Dans Mat
hei 24. Lu-
ce 17. Vnnd
Cyril. in the-
ſauro lib. 13.

vnnnd betrogen werden. Aber der ware glaub erſchwingt
ſich über all menſchliche/ über all irdiſche/ über all ſicht-
barliche ding über ſich zu der rechten Gottes inns himli-
ſche weſen/ da Chriſtus iſt/ da er lebt/ benedeyet/ leeret vnd
regieret in ſeinem Reich/ da er allen Chriſtgläubigen ſelen
(deren wandel durch den glauben ſchon im himel iſt/ Phi-
lip. 3.) die Götlichen ſchätze miltigentlich außhailt/ da er
ſy ſpeyet/ auß ſeinem eigenthumb neeret/ vnnnd durch die
krafft ſeines lebendigen worts reich/ vol/ vnd ſatt macht/
Das iſt auch das wort ſeiner verhaüßung/ nämlich/ das
ſein leib/ der für vns gebrochen/ vnd ſein blüt das für vns
vergoffen/ vnſer ſpeiß vnd tranck iſt/ vnd ſein ſoll ewiglich
im reich Gottes. Sollich wort höret der glaube/ an ſollich
wort hefftet er ſich inns Herren Tachtmal/ allain auß ſol-
chem wort empfahet er auch die ſpeiß/ krafft vnd ſettigung
im Hau

an hailigen gaist/Dann es ist gaist vnd leben/es ist vol vol
göelicher gnaden/ Ja es ist die ewige warhait Christus der
herr selbs.

Also speiset Christus Jesus die glaubige seelen mit seinem
lieblichen / trostreichen wort / darinn er seinen leib / flaisch
vnd blüt/ ja alle himlische schätz vnd güter treget / *Heb. 1.*
Exem-
pel/Wenn dich ain mächtiger König zu seinem Nachtmal
einladete/dir so vnzälliche vil güter verheisse/vnd so lieblich
starck vnd krefftig mit dir kündte reden / das du aller leip-
lichen speiß vnd tranck vergessest/ja alles des was vor au-
gen were/ nichts achtest / Sonder ganz vnnnd gar an dem
wort des Königs haifest / damit dir gespeiset/ vol/ reich
vnd satt wurdest / Wenns auch müglich were/ das er dir so
freündlich/ krefftig vnd würcklich in dein hertz redte/ das
es mit ewigem fryd/ mit wonne vnnnd freüde/ ja mit allem
genügde vñ wollust nicht allain da überliesse/Sonder auch
hinfür bestendig also blibe/Wurdest du aber nicht ain herr-
lich Nachtmal haben? Also möchtest du auch das Nach-
mal Christi vnnfers ewigen himlischen Königs recht ver-
stehen lernen / wie wol es von disem gleichnuß auch dem-
nach für den minsten teil kaum mag erbracht werden/Dañ
da ladet dich Christus durch den hailigen gaist selber ein zu
der ewigwerenden freüde/ die kein aug gesehen/ vnnnd kein
ohr gehört / noch in kains natürlichen menschen hertz kom-
men ist/die Gott seinen freünden vnd außserwölten berüff-
nen Tischgessen bereitet hat. Es redet Christus selbs mit
dir/vnd speiset dich inn seinem worte (darinnen der mensch
leib/Matthei am 4. cap.) mit seinem leib vnd blüt/Er ver-
haißt/ja er schenckt vnnnd gibt sich dir ganz vnd gar/ nach
der maß deines glaubens/ mit fryd/ freüd/ vnd gerechtigs-
kait/ vnd mit allen himlischen gütern. O ain edle Wirt-
schafft/ ain freüdenreich wort ist das / allen denen / die es
J o uns

in glauben recht verstehn/die es recht bedencken vnd zu
hertzen nemen/Danon der lieb Petrus saget/ Herr/ wahn
sollen wir gehn/du hast wort des ewigen lebens/ Joh. 6.
Danon auch die alten Lehrer an vil ortern haben geschri
ben/wie auß dem Hilario/Origene/Cyrillo/vnd andern
klarlich ist zuuernemen.

Also schreibet Cyrillus über den Leuiticum lib. 9. Wie
bey den alten die versünung der menschen mit Got gesche
hen/ist (im Gesetz) gesagt worden/ Aber du/ welcher zu
Christo dem waren Bischoffe kommen bist/der dir mit sei
nem blüte Gott gnädig gemacht/ vnd dich dem Vatter
hat versünnet/sollst nicht hassen an dem blüt des fleischs/
Sonder sihe vil mehr auffs Blüt des Worts/ vnd höre ja
selber zu dir sagen/ Das ist mein blüt/das für euch vergos
sen wirt/zur vergebung der sünden. Welcher nun inn den
geheimnissen ist vnderwissen/ der kennet das fleisch vnd
blüt des Worts Gottes. Darumb (spricht er) wollen wir
vnns bey den dingen nicht saumen/die den wissenden be
kandt sind/ vnd den vnwissenden nicht künden offenbar
werden. *Hec ille.*

Derhalben so will der grundt/die krafft/vnd das haupt
stück aller geheimniß des Reichs Christi/am wort Gottes
(das man es nämlich recht versteh/vnd geistlich wisse zu
richten) darnach auch am waren lebendigen glauben sein/
gelegen/Was dann auch das wort Christi/ba der Herr wa
sentlich von dem seinen redet/ bey seinem Nachtmal/ ver
möge/ thue/ oder aufrichte/ Sollt nun billich von denen/
die den tisch des Herrn bestellen/oder desselbigen mitgenos
sen sein wollen/ etwas mehr vnd höher bedacht werden/
weder bißher geschehen ist.

Seytenmal es ja nit allain will genüg sein/ das man sa
get/ Ich halt vnd bekenne die wort Christi im Nachtmal
war

war sein/Sonder man muß auch lernen vnd wissen/wie sy
recht gaisstlich/warhafftig/ja nach dem hertz/sin vnd man-
nung Chusti sollen verstanden werden. Es ist nicht allain Danon Jo.
han. 6.
genüg/das man saget/ Chustus sey im Nachtmal gegen-
wertig/Sonder man muß auch leeren vnnnd wissen/wie er
gegenwertig sey/was er thue/ob er auch rede/vnnnd seinen
tischgesten freündlich züspreche/Ob er nun flaischlich oder Nöttige
fragen
gaisstlich/todt oder lebendig gegenwertig sey/ Ja es sollen
ye die tischgest billich wissen/was das ganz Nachtmal sey/
Ob es nur allain auff erden/oder aber nit vil mehr im him-
mel mit dem Sursum corda, durch den glauben müße gesücht/
vnd mit Christo gehalten werden.

Darumb sprich ich/ so ist es auch nit allain genüg/ wenn
man sagt/ Das der ware laib vnd das ware blüt Chusti in
seinem Nachtmal empfangen vnnnd genossen werde durch
den glauben/ Sonder man soll auch wissen/ was solcher
glaub sey/würck vnd vermöge/ auf welch wort er sich bey
dem Nachtmal richte vnd gründe/wie er dann allweg das
wort zum obiect vnd gegenwurff haben muß. Es sollen
die tischgeste auch wissen/wie/wadurch/vnnnd wader diese
speiß komme/warinn sy auch werde fürgetragen/ja was
sy sey/das man sy ye sampt dem trancke recht kennen ler-
ne/Dann diser Tischherz handelt nicht also dunckel vnnnd
vntrewlich mit seinen eingeladenen gesten/das er jnen die
tracht/speiß/tranck/vnnnd das ganz Mal im waren ver-
stande des glaubens nit wol haben zü erkennen geben/Er
hat ye als ain trewer Maister nichts/wz zur sältigkeit von
nöten/vns verhalten wöllen/Luch ist gegeben/spricht er/
züerkennen die geheimnuß des reichs Gottes. Solchs al-
les bringet mit/die gewissenschafft des waren glaubens/es
leeret die Salbung des herren/vnd das wort des gaissts in
der erfahrung aines glaubigen hertzens.

J ij Darumb

Darumb so ist es nichts geredt/ das etlich hiebey wollen
 sagen/man soll sich nicht vmb dise ding bekümmern/ es
 seyen spitzfindige/vnnötige/für wirzige fragen/ vnd sey zu
 hoch ic. So doch ainer armen/verschmachten/hungerigen
 Seelen nichts mehr von nöten sein will/weder das sy wiß
 se/empfinde/vnd erfare/wie/ vnd wamit sy gaisstlich ge
 speyset werde. Es will ye auch den Christen nichts mehr
 von nöten sein/weder das sy Christum recht kennen lernen.
 Was ist aber dem zu hoch/der auch erforschet die tieffe Goe
 tes/wie Paulus sagt. Kurz/wem es Gott offenbaret/der
 waist es/der versteht es/der kan auch auß der erfahrung zu
 seinem lobe danon reden/vnd des Herren Christi reich/wol
 that verkündigen. Was müste das für ain Wirt sein/der
 mir ain speiß vnd tranck anbutte/vnd wolt doch nicht das
 ich wisset was es were/wie ichs niessen solt/das ichs näm
 lich roeder schmecken/kennen/nach darnach dürffte fra
 gen/ich schweig das ichs solt essen/vnnd solt doch nit dar
 uon satt werden/Vil minder geschichts von vnserm Herrn
 Christo/wie dann auch alle gaisstliche hendel seines Reichs
 vil gewisser/vil sicherer/vil empfindlicher/vnd mehr dem
 glaubigen hertz inn irer ordnung gegenwertig sein/weder
 alle leipliche/vergengliche dinger den sinnen vnd der ver
 nunfft sein mögen. Darumb so lasse sich kainer/mit den
 Jüngern des Herren/von fragen/gaisstlichem erfahren/vnd
 lernen abschrecken (doch das es allweg geschehe inn der
 forcht Gottes) das er Christum Jesum sampt seinen güte
 tern recht künde erkennen/das er auff ainen beständigen
 grundt bawe/vnnd seines glaubens/wesens/vnd fürne
 mens vor Gott möge gewiß werden/So auch die haylige
 juncffraw Maria nicht übel gethan hat/das sy nach dem
 grossen gehaimnuß/da jr der Engel verkündigte/sy solle
 ainen Sun geberen ic. hat gefragt/sich verwundert/vnd
 gesagt/

Die Jünger
 Christi habē
 allweg gefra
 get/bis der
 hailig gaisst
 kam ic.

gesagt/Wie sollte das zugehen / seytenmal ich von kainen Luc 7.
Manne waiß? Warumb sollte dann ain Chrust nicht auch
fragen/wie/ wenn/ vnd wadurch sein hungerige Seel ges
speist wurde/vnd was das sey/damit sy gespeist werde.

In Summa/ Es will ye nicht genüg sein/ das man als
lain anhin glaube/Christus sey für vns gestorben/vnd hab
vns vergbung der sünden erworben/Sonder wir müssen
auch den nutz/ frucht/ vnd verdienst seines leydens sampt
der sünden vergbung inn vnser hertz fassen. Wir müssen
auch glauben/das er auffgestanden/ vnd vns zur speyß des
ewigen lebens worden ist/Das nämlich sein flaisch ain wa
re speiß/ vnd sein blüt ain warer tranck sey/ Es muß/will/
vnd soll sein leib/flaisch vnd blüt nicht allain außwendig
vns geglaubt/Sonder innwendig im hertzen durch den le
bendigen glauben geessen/das ain ware Götliche krafft/
sterck/ vnd settigung dauon empfunden werde/vnnd wir
dadurch also im newen menschen auffwachsen.

Die schrifftgelehrten Juden vnd flaischlichen Capernais
ten kunden zur zeyt Chrusti solch gehaymnuß nicht fassen/
obes dann auch noch heüt der alte mensch mit seiner stum
pfen vernunft nicht kan fassen/ ist kain wunder / Es fas
sets aber der new mensch/der new schlauch/dauon Mat
bei 9. durch den waren glauben.

Auß difem allem ist nun zum beschluß leicht abzunehmen/
wie die wort des Nachtmals Chrusti von seinem leib vnnd
blüt sollen verstanden/vnd auch dermassen müssen aufge
legt werden/das sy gaist vnd leben bleiben/wie vormals ist
gesagt worden/Darauff den bald volgt/das sy kains wes
ges ainer menschlichen rede/da etwas mit zaichē wirt über
geben/künden vergleicht werden/ wie dann auch solche
menschliche redē nur ain bedeutung/nicht das wesen selbs
mitbringen. Aber die wort Chrusti/ seind Gottes wort/sy
J iij bringen

Merck also
ware speiß.

Der alt m
sche ist ain to
re in den hen
deln Gottes.

Das erpel/
weß mē brief
vnd sigel gibe
vnd sprich/
Siehe da haß
du den acker/
ist mit gleich

bringen den leib vnd blüt Christi wesentlich vnd warhaftig mit jnen/allen glaubigen herzen.

Das HOC, steht absolut, für sich selbs da/ vnd zaiget auff etwas gaistlichen/ ja es schließt etwas in sich/das dem gebrochnen/ geessenen brote in seiner natur vnd eigenschafft gleich ist. So bald man aber solch gaistlich zaigwörtlin Hoc Tuo, oder Das/ vntersich auffss sichtbarliche brot zeüde/ ja so bald diß brot wirt mit eingemengt/so ist die auflegung falsch/Vnd es künden die wort Christi nymmer gaist vnnb leben bleiben/Warumb? Es were nicht ain rede von ainem gaistischen/ sonder von ainem leiplichen brot das der leib Christi sein oder werden solte. Also wurde das gaistlich brot auß den worten geschlossen/vnd ain leiplichen darfür hinein gesetzt/ welches mit dem leib Christi durch das EST, in ain wesen (wider die ähnlichait des glaubens) müß geflochten werden/ Damit dann die Götliche verhauffung auffgehaben/vnd der ware leib vnd blüt Christi auß dem wort des Nachtmals wurde weg genommen.

Wiewol nun/sprich ich/das sichtbarlich Sacrament vñ brot des Herren/ ain Symbolum, Eucharistia, vnd widergedächtnuß ist/das den leib Christi bedeutet/ so ist doch in dem lebendigen wort Christi kein irdisch brot/ kein figur oder bedeutung/Sonder es ist darinn das himelbrot Christus/der da ist eben das/das er redt/vnd das das von er redt. Das wir aber solchs alles/sampt der kraft des allmechtigen worts Gottes/ verstehn/fassen/lernen vnd glauben mögē. Das helff vns Jesus Christus/der da ist das wort seines himelischen Vatters/vnser aller Herr vnd Kaiser/ AMEN.

Johan. 8.

